



江湖長翁文集目錄

宋高郵陳造唐卿撰

明海鹽王廷俊君英校

十一卷

五言律詩

山居十首

元夜病起二首

香雲寺

丁簿到蕪湖書不至

圩上

丁酉道中暮春

秋日

仁于庵

次韻翟元卿二首

得姪消息二首

感興

送人赴試

金地寺

留行都

調官歸

陪盱眙王使君東游四首

都梁八首

寄姪

雨後病起二首

歸自湖西

客中

次韻朱萬卿五首

寄興化徐尉二首

次韻彭景貺

贈課會諸公

次瓜州

贈高黃二子

贈趙秀才

約二趙棋集雨不果來

次韻高縉之二首

次韻石湖居士瓶中早梅二首

再遊虎丘二首

謝陳夢錫詩卷二首

卽事

次韻羅春伯提舉

送高縉之歸謀武林結果二首

歲晚言懷二首

贈相士蜀張二首

贈陳錢二別乘

送李元英還常熟從周宰讀書

次韻歸路微雪

鹽城阻冰雪贈陳德美三首

夜雨

次韻何學諭送行二首

曹娥廟二首

寄師文二首

登招寶山

定海四首

聞師文過錢塘二首

卽事

官居二首

送學生歸赴秋試因省別業三首

冬至

立春

祭龍

答龔炳澤卿

送嚴上舍拜寄諸公十首

再次韻十首

題陳主管小壺天三首

過八疊舖問宿

高頭山

無題三首

思歸

答壽詩

次韻章宰

過樊村

書懷二首

步西湖次韻徐南卿九首



觀諸公射于城北書壁二首

次韻楊宰次郎裴 次韻楊宰公田道上

次韻楊宰樊汭 次韻楊宰秋尾雪

次韻楊宰葫蘆格 次韻楊宰述懷

次韻楊宰野步 次韻樊汭

次韻楊宰雪 次韻楊宰宿田家

次韻漕使張守二首 題吳司理子隆兼隱

次韻張守赴真州辭家 次韻張守惠山

次韻張守塗中逢節二首

次韻張守與潤守總卿詩四首

頰江樓分韻得春字 次韻楊宰泛湖

次宿北阿韻 次韻趙帥四首

次韻林子長 次韻趙帥歲暮

次韻小閣 高宗皇帝挽章四首

壽皇聖帝挽章二首 強同年次子挽詩二首

黃尉挽章二首 李粹伯挽章二首

五言排律

九日 次韻盛教授

再遊殪軒小酌 送羅提舉

謝龔養正病後分樂 勸農書淨居壁

寄顧簽判 飲寓隱

再遊福溪巖贈主僧 均州贈應守沈倅

十二卷

七言律詩

赭圻 閑題

飲客 次丁嘉會韻四首

念衰 閑適二首

九日留交代 次韻蘇監倉四首

縣圃醑醪 賞醑醪病不赴

次陳宰韻 徐陶會

卽事 縣西

上峩橋早行 寄幼度主簿

和張秀才韻三首 次韻張秀才雪三首

寄丁主簿 寄林子長教授

楊家會小坐 七夕

復程平叔 汪叔量白酒

寄鄉中親舊

隱靜簡堂老贈藤杖

次韻楊樞視圩遊隱靜

次韻楊樞喜雨

病中書懷二首

次韻元卿二首

次韻劉宰

夏夜飲客

贈趙監獄

行都

春晚郊外

託人賣馬二首

次韻王知軍雪

次韻汪解元

次韻王知軍夜坐有懷

次沈倅韻呈王漕

次韻王漕起秀亭

次韻趙教授三首

寄陳居仁二首

次韻郭教授雪二首

次王帥韻後詩呈葉教授二首

次王帥韻

書劉元之教授劄子後

立春前一夕雪二首

餞趙伯衛趙有詩次其韻

贈仲國美

次韻彭景貺

贈課會諸公

再次韻答陳居仁二首

題殂軒

賀二石登科

次韻何符山人二首

同高叔不愚如晦飲再次韻二首

題潘德久竹居

次韻張直閣避暑

次前韻謝湖運屬二首

早步湖上

次韻章守移學

次趙解元韻二首

再次韻呈章守

次韻章守獵

飲殖軒

趙使君淮春樓落成二首

贈趙秀才一首

寄興化葉明府進卿二首

贈曹秀才二首

次林計議喜雪韻

次韻朱秀才二首

次韻石湖居士見梅

虎丘

卷之十二目錄終

江湖長翁文集卷之十一

五言律詩

山居十首

山間有好事時肯問何如束送筋頭薤鮮分匙面魚披  
襟偕我飽攬髮爲君梳一笑塵勞外都無病可祛  
咀毒橫戈地財堪博一羞時流正攘臂老子解抽頭秦  
楚蝸兩角跣夷貉一丘向來回晚照了不見金牛  
忽作斷過訪經旬閑瘦筇慵添和詩債病減灌園功石  
鼎裏輕碧庭柯零碎紅竹君如見尉竟日嘯窻風

江湖長集卷之十一  
三百三十  
居淡自少客兒輩省簷門日課午鍾飯生涯三畝園嗜  
魚親蠶戶輟果及王孫不惜苔錢破橫縱步屨痕  
鳥息我亦倦行行取徑微石稜妨錯足藤蔓每鉤衣森  
木各天籟連山同夕暉推門吟袖冷滿帶野風歸  
涉世慣多還還欣愜此心鷄孫當歲稔竹母值秋陰言  
配香秔軟行須綠影深繼今摩腹去風日更蕭森  
萍梗纔糊口爬沙亦畏塗悠然三徑地有此百金軀乘  
興聊吟筆無絃且槁梧幽居喜客醉未遣秫田蕪  
蕉鹿謝依乘孤高迺得朋閑談每褐父清晤或鄰僧止

酒元真子居家杜伯升此心安隱處蜩鸞傲鷓鴣  
一室市聲外生涯良不孤園花非獨笑風竹巧相虞爲  
客求鵝母供家課橘奴殘年溫飽爾外此亦何須  
丁年陪友舊塵霧去駸駸不賴學問力終孤雲水心無  
波真古井躍冶豈祥金撫已知今是扁舟釣碧潯

元夜病起二首

霽色莫澄鮮和聲入管絃人家無事日時節放燈天壁  
月紅塵外東風綠酒前強陪兒女笑病骨得輕便  
節物撩佳興浮生盍自寬山城如許樂燈市不多寒微

江湖長句文集卷之十一  
步漂香細行歌惜夜闌何人欵醉帽朱袖簇歸鞍

香雲寺

山月明空隙庭柯下槁乾沉沉僧夜淨漠漠鴈天寒夢  
境愁偏隔詩情老易闌未容辭水厄聊復踞蒲團

丁簿到蕪湖書不至

幾日到于湖交情未合疎相望百里地不寄一行書待  
此寬相憶何人念索居朔風吹鴈斷徙倚正愁予

圩上

小村山影裏山脚水明沙春事初移柳人家未摘茶生

兒了門戶饌客有魚鰕笑我塵埃者奔馳鬢易華

丁酉道中暮春

去家如昨日節物轉頭非風處綠自舞雨餘紅頓稀野  
橋平水過村路躡花歸趁得醅醪在箏琶拂舊衣

秋日

夢蟻浪多憂隙駒如許道淒涼一霜早黃落萬山秋得  
失古青簡漂零予白頭不因多病過始覺此生浮

仁于庵

罷亞圍僧屋檀欒隔槿籬月池聊濯足雪壁贖畱詩里

江湖長翁文集 卷之十一 三  
社皆困廩鍾魚亦歲時平生松隱賦回首十年遲

次韻翟元卿

君自儒冠秀源流況父兄文堪一戰霸氣欲五郎卿與  
世甘多選謀生迄未成其誰爲推挽小試合承明  
我困枿投鑿君才飢建高要之同臭味政以借熏陶觴  
詠聊真樂虫妍付爾曹能來緩詩頰芋火薦松醪

得姪消息二首

甚喜年穀熟仍聞佳食眠郡人新過此鄉信得真傳社  
酒浮蛆淥湖魚割玉鮮平時計安穩莫靳里胥錢

二頃躬耕穫爲謀未覺非輸租能早計坐社莫相違念  
我官將滿連宵夢只歸團欒老丘壑肯作食言肥

感興

又鏡江流去奔馳合自羞病容霜後葉歸興浪前漚岐  
路三生債風埃一飽謀山田饒芋栗瓊重故園秋

送人赴試

之子自荆璞溫純仍琢磨諸公推大手壯歲合賢科豹  
霧三年隱龍門一躍過得詩應自慰老子閱人多

金地寺



側徑崎嶇去飛蘿次第捫山橫欲無地路轉却逢村竹  
栢園荒寺莓苔上繚垣殘僧不知客芋火老雲根

留行都

久飫南來飯長維北去船薰衣子笑韻入筇望潮鮮意  
適忘漂泛吾生計食眠歸期何用數寬待藕花天

調官歸

穰穰衣冠地耽耽公輔居雲霄有捷徑塵土且長裾老  
去懷歸切生知與世疎解裝漫刺在況說子公書

陪盱眙王使君東游四首

錦席浮波影牙檣轉霧霏飛花窺碧酒舞蝶傍紅衣野  
日歌前淡雲峯望處微游魚應與樂啼鳥莫催歸  
纜解鷗飛處船移柳影中林廬桃李月浦漱蕙蘭風酒  
淺能無醉歌長惜有終賦詩聊泚筆寓意未須工  
紅旗圍皂蓋離邈碧山隅水色涵雲樹賓筵著畫圖香  
溫金鑿落花亞錦屠蘇醉裏銀絲鱸漁舟不待呼  
風林山闕處茅舍兩三家小駐回鶻隊重尋粟玉花疎  
煙橫暖靄碧溜漱晴沙野興未渠盡數峯明晚霞

都梁八首

淮汴朝宗地孤埤只眼前譙樓西日淡戍鼓北風傳破  
竹非無計澆瓜亦自賢客愁渾幾許撫劔倚吳天  
天外纖雲盡山巔望眼遙平淮剪綠野白塔界晴霄客  
裏風光異吟邊物象驕功名它日事回首興蕭條  
新居得翠微景趣自幽奇白石羣羊臥脩篁翠葆欹山  
光銜睥睨雲影傍藩籬席戶無車馬禽猿不更疑  
關塞淒涼處青徐指顧邊如何漢正朔不盡禹山川將  
畧輕三捷天威重萬全諸公不愒日老子判留年  
路惡惟沙磧山回忽市鄜樓臺明晚照花竹暝寒煙生

事知無警懼聲驗有年猶嫌武陵遇不載割淮鮮  
犬吠蔥青裏人家竹徑深短籬循石礪老屋枕煙岑牛  
瘠知春事鳩啼認晏陰豐年易爲客盃酒慰幽尋  
向來經世蘊每作負山馳鬢髮不留黑京塵慙舊緇生  
涯黃卷在心事白鷗知回首林泉癖窮吾不爲詩  
年年漢臣節春鴈與同歸番俗尊華服皇家後武威市  
中斜旣賤水外拂廬稀南北皆生息和戎果是非

寄侄

擁衾聽良夜風葉不餘飛天地清霜冷江湖旅鴈歸幽

江湖長集卷之十一  
人惜短夢遊子念征衣窮老人間世愁城屢合圍

雨後病起二首

早歲仍無麥淮民食正艱幾時占雨信今日破天慳盡  
息田家歎聊開病客顏何由長歲稔金火莫循環  
小臥竹間齋幽懷得好開病從涼後減雨及望時來兩  
屨山千疊諸雛飯一杯吾生計此耳無夢到燕臺

歸自湖西

晨具湖西飯還家腹果然怒風長擘席急浪不鳴船身  
覺青冥上情留白鳥邊衰年端一快整帽向雲天

客中

多夜淮瀕夢言歸未有期愁禁客舍雨寒過杏花時酒  
廢無何飲春如不自持若爲丹九轉能黑鏡中絲

次韻朱萬卿五首

陳雷好賓主疊疊各風流末座仍枚叟捐金得莫愁濃  
歡兼卜夜暇日賴銷憂近按梁州譜何妨一再謳

風義陶朱裔斗南無此流懸知禁厨鬻不賦畔牢愁筆  
落無千載談間散百憂盡抄新樂府惜欠雪兒謳

彼妹綠窻子歐靚亦其流褰袂何因瘦眉梢不貯愁唾

花新得意庭草共忘憂雌鳳求凰曲人前莫誤謳  
一雨動三日溝塍皆怒流風涼欺酒力喜色寄詩愁不  
待桑林禱俄寬杞國憂豐登知有象滿聽載塗謳  
平時歌酒伴雲散與風流白髮潘懷縣青衫許散愁生  
憐自謀拙人謂不堪憂只擬江湖去狂吟和棹謳

寄興化徐尉二首

敬問昭陽尉食錢得飽無時方依絳帳課謝剪荏符賓  
俎仍黃雉書窻了白駒低回自愛惜才業正時須  
自折河橋柳何人慰寂寥一書寧用靳兩舍未爲遙瓜

戍裝應趣荆扉興自饒回頭五雲處猶肯訪魚樵

次韻彭景貺

鳩杖隨身去鄉園得自虞紅鮮終日有俗物向來無酒  
所揮椽筆風前據槁梧逢人休舉似兒輩笑吾徒

贈課會諸公

書社他年事尋盟未厭煩須吾執牛耳助子躍龍門凌  
厲先諸彥從容卽萬言雋功科舉外暇日要深論

次瓜州

雲曠平山塔煙明老漚城客行判費日舟泊細論程聞

水清兼濁潮天雨復晴未須歸有夢午枕愜涼生

贈高黃二子

平昔金蘭契過逢意自饒乘閑無窘步命笑有嘉招翠  
歛歌眉黛紅生醉頰潮歸驂從惜夜小待玉笙調

贈趙秀才

袞袞紅塵去扁舟得挽回半生障日手一笑沃愁杯應  
俗吾衰矣論文子壯哉明年日邊信滿冀好懷開

約二趙棋集雨不果來

客子離羣意蕭齋只睡宜得無新雨歎漫有故人期日

力須碁局風涼入酒卮轉頭車婦去相憶各兒癡

次韻高縉之二首

能事餘千牘幽期自一丘向來書篋積不療客漂流小  
挹蘇耽鶴同歌甯戚牛幾時詩酒社相屬話天遊

奚囊走湖海襟度極風流學力隱一敵才華追二劉與  
時君有用漫仕我非優它日霄霏上詩成復寄不

次韻石湖居士瓶中早梅二首

詩翁靜三昧筇杖壁間橫小閣自清絕幽芳從瘦生巧  
當窻影見時映燭花明底用尋春去衝寒踏月行

羅帷護春色羣木未昭蘇絕勝翻香坐聊陪琢句臞天  
資便靜獨冰影倚空無後夜逢姑射仙家白玉壺

翁約相過

再遊虎丘二首

闔廬歸骨地僧宇庇高丘又趣能詩伴來爲弔古遊英  
雄餘幅紙歲月莽東流未解山前客相逢更說愁

未句紀所見

令節攜壺客當年伏虎山詩成雲氣上人語畫圖間官  
作三年住時須半日閑從今碧眼老幾送醉中還

謝陳夢錫詩卷二首

詩法工如此何時粟一囊渠儂須擁篲老子欲燒香世

論嘗賢否人家皆稻梁願天開老眼爲子療飢腸

高才萬夫敵餘事十全醫有句撞哀玉它年飲上池可  
緣乖世用政自畏人知當復嫌多口頻煩說項斯

卽事

側徑苔竹潤短籬鷄鶩喧小停障日手聊憩臥雲村綠  
影烏皮几新醅老瓦盆平生農圃計重與野人論

次韻羅春伯提舉

龍公靳飛雨盍趁望時來尚及豐年計真令笑口開池  
蓮端自若月地信佳哉倚檻西風夜題詩判費才



送高緝之歸謀武林結課二首

眼底論人物如君亦壯哉作書猶乞米造物不憐才跋  
履妨詩筆祛除近酒盃飛塵棲劔室歸棹莫遲回  
輻湊羣英地皇州異別州能文纔倚馬作意付焚舟士  
價知名下醫門要檐頭明年春鴈足詢我賀書郵

劔室緝之所居

歲晚言懷

病在歲云除相羊小石渠連朝無出日進藥止觀書舊  
苦將迎困新慙誦說疎官曹不事事世恐誚相如  
紙屋酣春意霜空凝凍雲甘違酒伴約稍策睡鄉勳寂

寂觀騰踔堂堂歛放紛冥心得今我回首謝前聞

雀響初防雪鴉驕恐報晴徒妨一老夢莫究二蟲情虛

籟吹羣動洪爐寄短生只今觀物化未替白鷗盟

天晴雀飛

有聲時人以爲欲雪

贈相士蜀張二詩

博古亦多藝相形仍論心司南輔名教左契指升沉好  
語空千紙行囊未一簪鄉關劔閣外鴈足謾歸音  
貧病謝人謀形容覽鏡羞要隨耕釣往聊爲斗升留子  
術誠探妙吾門恐暗投霜髯文學掾寧復鄧元侯

贈陳錢二別乘

久絕還往解后二公陳園小酌話舊且約為小築之遊

蜂蝶如相識窺人却怪生平時被花惱因病此心輕笑  
語初疑夢香紅旋問名杖藜回白首顏景欵街城

花氣浮遲日鶯歌佐緩觴肯孤畱客意兼貸著書忙疇

昔朋遊樂扶攜醉後狂因君話塵外清興頓能長

塵外樓名

小築繁人夢詩翁况舊期定攜桃葉女猶羨習家池鶯  
燕聽歌慣風煙取醉宜餞春餘幾日一笑更容遲

送李元英還常熟從周宰讀書

久趺尋師足還家訖受經可容輕日力政使帶朝星高

步須堂奧它年看典刑奉親時得笑餘事賜袍青

次韻歸路微雪

卓犖康時畧昂藏報主身衝風還按轡飛雪却宜人帝

渥先春遍詩題觸目新行行何樣好歸路玉為塵

鹽城阻冰雪贈陳德美三首

斷港冰初合窮塗歲欲除臨年仍此悔議道得無疎撫

事空搔首何人為寄書海風吹浩蕩側望正愁予

身口真相累風霜得備嘗即今歌匪兇未慙反屠羊辟

謗規閑口因衰再覆觴不知詩酒外何計遣悲涼



雪意知呈瑞還欺客鬢星悲歡隨處異艱阻尚來經夢境  
翩蝴蝶宗盟近春令盤飧更譚塵足用尉漂零

夜雨

窻聲呼夢斷燈影尚微茫忽掃蚊專夜從知雨獻涼佳  
眠嗟莫續殘漏耿猶長却憶檠三尺馮書怯曙光

次韻何學諭送行二首

時小休吳江

新詩念報答咕囁未能書落筆羣英右惟君一敵如窮  
愁疎翰墨客路費羲舒延閣青冥上摩研正望渠

湖山迎客棹觸目總宜詩回首蓬萊近平生汗漫期衰  
年得奇觀往事屬懷思何日鷗夷去扁舟共翠眉

曹娥廟二首

處死稽細素求名每寂寥紛紛等枯冢凜凜獨高標玉  
刻龜趺字風驅水伯潮英魂儼如在楚些未須招  
閱世誰無父渠寧厭久生驚波輕一死森木竟雙坐石  
壁千尋立江流萬古清祠宮拜遺像猶復涕縱橫

寄師文二首

父子相爲命淮鄉望海隅誰非牛舐犢心羨燕將雛綵  
服藏書蠹青春負隙駒營營濫飽計猶恐未良圖

阿泰知何似無書坐地偏未妨歸緩緩可免意縣縣肖  
父仍便酒如翁不蓄錢况須供老眼欲說已欣然

登招寶山

一鷺風煙上三韓指點中地隨山共盡天與水無窮夢  
蟻紛軒冕騎魚可閬蓬仙曹應拊掌願我簿書叢

定海四首

縣境拖脩直人家住土塗三方鯨浪湧一島虎頭孤風  
物猶佳處絃歌付老夫平生蟲篆意或許問憂虞

齒髮今如此東來料一寒愛民平日事宰縣昔人難稍

得官租辦聊容坐席安渠儂趨負輓疑未厭兒寬

穫稻來燒塢開籜薦碧香地偏皆斥鹵汲井得甘芳漫

仕今千室前人陋一鄉民安吾亦飽相樂亦相忘

官解鹽煙外居人雜賈胡聽言須畫字討海倚輪租習

俗何妨陋鮮肥頗不無已廿三載住疇昔計乘桴

聞師文過錢塘二首

行役兒無慮衰懷自不忘待潮何處泊聽雨共更長指

俟烏供哺先容鴈著行更寬三日計茫蒼下歸艍

時師是入

州迎  
兄舟

江漢長集卷之十一  
九堰三江外欵帆側拖頻海鮮當日飭雨鵲定隨人椒  
酒須分歲江梅巧借春團樂多樂事未沫物華新

卽事

平昔功名念如今冷似灰藏書堪樂死望歲待歸來小  
宅依城築虛簷枕水開溪翁詩社侶有酒賸追陪

官居二首

磔磔初鳴曉通通已報衙拙勤知待旦欺給未停槲漫  
役鄉園夢祗添老眼花屈信庸敢計斗祿倚生涯  
官居不惜日宰縣動三年忍事腸欲爛爲防頭救燃不

應一飽計長受衆人憐俛仰堪供笑人間海易田

送學生歸赴秋試因省別業三首

涼意蘇殘夢催兒起問塗功名數前輩術業舊原夫漫  
觸煙樓破應先老驥驅蠲痾吾有待端不倚岐盧

年事真無賴官曹已憚煩兒堪付門戶吾粗有田園遊  
舊因相問襟懷爲細論此心歸隱計日日受風幡

食口幾鵝鴈田收問菜麻子美力難及黍稷得種菜與麻寧堪再攬減

淮人謂歲飢爲年歲攬減又抱兩嘔鴉越人以嬰兒爲嘔鴉投老憐漂泊何時

了貸賒終慙陶靖節歸不計生涯

冬至

至節占天意豐登又必然相風綠漪靜賓日喬雲鮮比  
屋皆生意窮閭有醉眠端容衰病宰索句海山前

正覺  
凌曉

望日出五色雲  
捧之是日無風

立春

春信葭灰動尋知寒事休光陰從冉冉身世判悠悠鬢  
影看銀勝官期志土牛羸骸更元命惜為斗升畱

祭龍

廣殿羅籩豆脩廊振佩環帝觴初拜手仙馭不違顏瑞

霧浮空下靈風拂袂還定知龍宛宛千祀拱南山

答龔炳澤卿

龔寄書首云  
今更名炳

之子違離久前宵夢見之秋蛇開側理曉鵲啁疎籬歆  
秀何時改郊庠更問為有言今贅矣暗裏自應知

送嚴上舍并寄諸公十首

嚴子老且健翩然湖外行歸來困一跌悲嘯念餘生幸  
棄扶衰杖幾成折足鐙開籠出雙鳥身已馭風輕  
嘖嘖鴈聲急稜稜秋意深行都舊新雨獨客短長吟子  
肯憐衰病時來慰滯淫惜無移日酒留照蠟燈斟

右送嚴

自昔金陵幕周旋未盡能淒涼論閥闕突兀擅聲稱直  
已堪從事公言不負丞嗣當蜚鶚牘畱眼看依乘  
聞道張夫子還家俗累輕兩官終短袖五字屹長城龍  
斷悲人世煙雲寫物情只今遙夜月獨許伴空明

右寄張次夔縣丞

趙子趨吳幕予偕詠舞雩迄今推轂力不墮拾塵誣鬢  
脚今全白車輪欲半朱何階答知己冰蘖耐窮塗  
已種河陽柳將題晉客輿論文記曩昔因使問何如擁  
燼應多暇援毫不一書詩成當屬我拜賜袞袞餘

右寄趙景安府判

憶訪俞夫子頻煩挽袖畱酒邊無俗物塵外有高樓未  
醉催歌扇言歸聽漏籌此歡誰與繼怙悵歲時適  
暇日詩成集西來見未曾金徽想流水玉井定層冰呵  
護山靈惜流傳紙價增石湖千載託密密續前燈

右寄俞君任府判

交際論才業何郎種種長元推萬人敵况別四年彊文  
看青錢中詩須古錦藏西歸容盟讀老境借輝光

江州長安文集卷之十一  
舊識追風足低摧坂下車長驅待雲路小捷已鄉書唾  
手須科第差肩有詔除公餘富佳句記我渾樵漁

右寄何解元

再次韻十首

重見髮更白羈棲偕在行余嗟遽如許子亦可憐生玉  
粒書新秀霜蔬煮破鎗詩成莫浪出或取世儒輕  
曲巷纔人跡泥塗沒屐深未妨衝雨到要伴掉頭吟大  
巧專亭毒何時掃疹淫濁醪君莫厭排悶勉孤斟  
客舍無佳晤君來肯小留衣穿從見肘賦好似登樓論

世聊捫舌輸碁不計籌明窻坐方穩寒日爲誰道

吳門詩酒伴入社記吾曾香篆溫難燼銅壺冷易冰賡  
酬恕吾老聲價放渠增衰謝猶迴首思分蔀屋燈

朝家無闕政秋榮繼春雩恤緯憐吾怯知言敢自誣閉  
陰寧董傅爲已肯楊朱未斷蝸緣壁仍多豕負塗

城西山水窟早晚命藍輿勝絕僧能有拘攣我不如山  
雲側步踊雪壁細行書它日嘗盤礴蕭然樂有餘

中天有臺閣自問汝何能世路信薄命吏曹須異稱北  
歸甘醉叟西上且聾丞執友論文地能無興可乘



進業湖海窄取名絲縷輕因君論前輩衛道有金城潢  
潦先知本機緘貴用情靈臺與秋日炯燭古今明  
仕爲飢寒迫歸憐興味長卜居從詭譎勿藥幸康強隣  
擬千錢買書開萬卷藏殘年文字癖更欲競流光  
靖節甌無粟思歸更命車慵垂督郵帶况袖子公書老  
我須閑適塵緣得破除還應與鷗鷺分占碧溪漁

題陳主管小壺天三首

陳延客  
棋于中

一室凌埃壑公堂更左偏閑消官上日小隱洞中天棋  
酒隨醒醉蚊蟲斷樸緣憐渠鍛爐側矻矻計巢仙

棋枰外世故暄靜信奇偏俗網挾三面冰壺令一天時  
供詩友課未斷宰官緣付我紅塵去如君自半仙  
未放歌雲散先看醉帽偏周郎自醇耐樂廣定青天持  
勝收賢業推枰睨世緣明年一品手却訪玉堂仙

過八疊鋪問宿

平野俄空闊遙山且有無斜陽對捫虱暝樹忽啼鳥老  
去猶羈旅生平頗壯圖田翁詫豐歲不擬話爲儒

高頭山

小駐綠雲脚居然睡眼醒楚田銜樹闊漢水挾山青蹠

江漢長翁文集卷之十二  
十一  
躩初忘倦巉巖已飽經川原方啖蔗不擬歎漂零

無題三首

薄宦受風梗還家歸岫雲行人與喬木老色竟平分末  
路慙周朴窮交有累君看渠綬若若干騎詫鄉粉  
浪出嗟何補歸來樂有餘山川付不借天地託蘧廬酒  
熟聊呼客釣垂不在漁平生棲遯意政用蓋迂疎  
臥病十四五秋來身自輕已拌不藉在寧復可憐生每  
笑隱者傳尚存身後名灌園聊日力分藥且交情

思歸

薄宦隨漂梗流光付迅湍家山蝶夢隔節物鴈空寒撫  
事頻回首微吟小凭欄多情但烏鵲時肯報平安

答壽詩

感念垂弧日無成忽老衰尚須庚癸諾可諱甲辰雌但  
有散人傳難勝幼婦辭呼兒張座右言配蓼莪詩

次韻章宰

窮山從薄宦小郡著衰翁政術甘疎拙辭壇敢長雄一  
飢纔自救五細未宜中又擬包羞去京塵冒軟紅  
遊舊多厭絕怪君終眷知帳畱仍碧酒紵獻更清詩風



義固難及月評無乃私相從文字樂悔作十年遲

過樊村

幾日囚籠鳥今朝縱壑魚空勞計遲速凡百有乘除岸  
勢驚禽過江聲午夢餘心融得新句澄水滴銅蝓

漢江水黃

濁貪行不暇汲井

書懷二首

俛仰人間世纔爲一笑資百年羊胛熟萬事虎頭癡文  
字聊遮眼功名浪朶顛浮生如此爾况復病餘衰  
薄宦爬沙地平生一不施才名將底用齒髮歛如斯自

笑書汗馬誰今手不龜惟餘五色筆忍賦四愁詩

步西湖次韻徐南卿

前後九首

載酒幽尋地乘閑得再臨麗黃啼曉霽魏紫笑春淡撫  
事揮犀管他時夢鶴林心期更闋寂物理付昇沉

楊園騫絕嶺萬象赴窺臨坐久嵐霏潤來時翠碧淡鶯  
花自佳處魚鼓亦叢林誰在飛埃外芸芸付陸沉

山寺曾題竹尋詩記所臨緣雲俯空曠捫石揆幽溪倦  
鳥低平野蕙花下碧林沙頭催喚渡空水遠沉沉

水月春猶淺攜壺記此臨雲煙澹閑寂魚鳥媚清溪堤

路俄人海侯家或肉林高樓下金彈簾影眇溪沉

水月趙園名

徐子學詩苦硯池寧暫臨課功初聳屨著語遽精溪更積歲月力儻陪英俊林人生才業地渠輩分平沉

徐郎小隱處愛我許迂臨多選話歲晚言歸忘夜溪松愁倚詩酒結伴卜山林更喜檀欒舊風煙挺綠沉

西湖千頃畫政用好詩臨鑿揭霧解駁屏紆雲淺溪鈿車隨寶馬紅舫度青林歸去開囊錦君先炷水沉

詩課追離索蕭窻誰肯臨語方逢衆怒自詫用功溪未議辭窮鬼纔堪補笑林舊交多冊府肯信有湮沉

逐利爭名地扶衰膏一臨官同冰谷冷盟締海鷗溪局步無夷路卑棲有故林鳶魚天地內遂性各飛沉

觀諸公射于城北書壁二首

舊約已湯餅新歡仍碧香小閑障日手同憩臥雲莊羣彥矢復沓老夫詩在囊蔬畦暝晚色野興爲誰長

塵我玉蟾蜍弦君金僕姑分曹雙壁立中雋萬人呼壯歲功名地從渠山澤儒他年玉音問冊府起孫吳

次韻楊宰次郎裴

時予亦畱西鄉因述懷

信次尚村落食眠隨曉晡山瓶餘瀝倒

村人以野釀名瀝倒

僧宇

謁伊蒲笑挾兔園策問收魚澳租前灘起漚鷺爲我作  
前驅

次韻楊宰公田道上

人有褰裳去時閑野渡舟知君問彫瘵隨處訪溪幽歲  
事方關念村醪不破憂蕢租仍已責或可繼前脩

次韻楊宰樊汭

邑東南或偏得雨然足不足村村  
不同嘗與令君言荒政寧虧官無

寧厲民此役也哀不幸畧僥  
倖乃可因君有詩輒次韻

龍豈分勤惰司存想異方榮零均此意豐歉竟殊疆惠  
戒憎漏網君寧專擊強東南有偏孰鄙語未應忘

次韻楊宰秋尾雪

密雪界秋冬悲歡可得同祥如關歲事時合奏場功政  
要肉骨手民方霜葉風強吟鹽絮句面不蓋羞紅

次韻楊宰葫蘆格

生常信流坎老不歎漂零雪後菊未死雨餘山更青仍  
煩析塵語遠寄打包僧政績隨詩價多君日日增

次韻楊宰述懷

爲儒如此爾糧食第晨晡詩漫南山杞愁連董澤蒲賓  
筵關鵝肉券負有牛租久要惟窮鬼文成不受驅

次韻楊宰野步

筇杖陪隨去漂然不繫舟雲低山影暝風定竹林幽病  
減柳臂感老無蒿目憂吟詩如蝕月玉斧儻能脩

次韻樊汝

荒政賴賢守湛恩推上方龔黃真父母秦越肯圻壘手  
自起僵仆術先銷暴強膏肓得司命銘肺可能忘

次韻楊宰雪

對雪動遐想此情今古同饒爲霸橋句會奏蔡城功恥  
臥袁安屋思乘列子風高翔廣樂地眩旋九霞紅

次韻楊宰宿田家

雪曉烏驚矯無風葉自零人家住莽蒼徑栢挺寒青千  
載猶歸鶴三生省病僧脾虛眼多眚更比向來增

次韻漕使張守二首

政績新皇眷功名舊壯懷人才雙立玉筆勢各排淮鵬  
路天惟咫鯁生骨未埋行看仲淹弼接武冠堯階

授書天佐漢鼓篋客師韓氣宇包溟渤辭鋒凜莫千經  
綸股肱似姓字齒牙寒不作規隨起誰令九鼎安

題吳司理子隆兼隱

江漢長翁文集 卷之十一 三百十四  
紳笏視林藪達人忘異同端知柱下史却笑鹿門翁  
犴獄仍陰德詩書亦雋功何須笠澤去煙浪放船蓬

次韻張守赴真州辭家

爭引依風領須公布惠慈深思手摩拊數計月盈虧歲  
事方援溺情親更語離來時鴈天闊觸目總宜詩

次韻張守惠山

詩伯心如水熊轡再護邊教條父老舞姓字裔夷傳客  
到牽鈴索詩成仰屋椽平吞雲夢澤聊酌隱之泉

次韻張守塗中逢節二首

向子房州之行亦舟中作歲節飲

塗中歲適盡江影暮澄凝栢酒惟宗武河梁似李陵問  
津田叟傲捩拖長年能繫纜纜沙背人家已上燈  
賞心仍令節十事九相違老境家猶遠愁城日合圍客  
塗君尚歎世路我知非美殺鄉居子耕梁木葉衣

次韻張守與潤守總卿詩四首

天階玉作筍此地合垂紳尚戒專城馭虛逢顛俊辰公  
方問竹馬名已薦楓宸政恐經綸去諸公拱後塵  
漁樵送晚景天地著陳人澗底離奇榦人間浩蕩春  
冠纔識字何策可資身不擬千言賦怱怱恩大鈞

殘年仍舊學平日亦新書酒渴今司馬巖棲昔幼輿夢  
無三字拜家有五車儲但諗催詩燭吾衰冀少徐  
向我能忘勢張侯却甚真頻分代舍飯遣濯客裾塵長  
日無知已因君愛此身可須砭劑力振臂起漳濱

瀕江樓分韻得春字

子政文筆勁武陵豪氣振高舉霄漢步分占燕鶯春造  
化歸吟思謂二公罇罍著散人芳時好賓主載酒未妨頻

次韻楊宰泛湖

他日草玄手效官今武城端憂計豐歉行色問陰晴詩  
酒時陶冶身名孰重輕猶能記鴛蹇拜賜得瓌纓

次宿北阿韻

聞道藍輿去遙嶺復近阿詩應弔孝逸碑或贊頭陀靜  
者官糊口公朝禮作羅憐君日阡陌塵土撲陰何北阿李孝

逸破李敬業處

次韻趙帥四首

藩方人奠枕楚尾鐵為城曉日熙仁惠春雷殷政聲護  
邊一李勣增戶幾王成笑指瓊花露如公徹底清  
腹裏羣經笥毫端五字城少陵寧漫興侯喜欲無聲竊



江漢長翁文集卷之十一  
聽鏘金奏仍聞破竹成君知盥手處毛骨爲誰清  
我亦飽參僧羸糧走百城諸公傳句法夫子擅詩聲自  
笑屠龍誤時須盡鴛成峨眉出苦語蛩夜共淒清  
自昔繁雄地蕪城壓錦城惟公工活國上課已蜚聲富  
庶幾當日調虞屬老成歸應演周頌宗祀奏維清

次韻林子長

詩壇舊同歆攀附不無因攬轡今膚使回轅記老身雲  
泥知己隔譚笑尚容親不記棋前酒當時定幾巡

次韻趙帥歲暮

虛心觀物變投老得詩窮玄草居然白爐其却暫紅詩  
緣梅雋發愁倩酒消融未用凌羈客疎簾逗雪風

次韻小閣

聞道委蛇地金虬自炷香心雖便靜默時恐後騫翔物  
外貯春色人間占夜光定誰傳句法俗骨點玄霜

高宗皇帝挽章二首

雨露均皇澤丹青煥帝猷恢圖自天運授聖與神謀方  
珍脩齡夢俄偕造物游姑山餘四子不復候瓊輶  
措俗皇風粹怡神象帝先寶圖傳聖嗣金闕覲羣僊典

訓昭如日華夷痛所天衣冠游歷地一一淚河前

高宗皇帝挽章二首

天地重開闢華夷赴指揮羣生欣按堵三紀仰垂衣鳳  
曆雖無極龍樓忽告違廣成譚道處千古想驂駢  
精一心傳後功隆道固存徐乘僊馭去往儷玉皇尊典  
誥無遺意臣民有斷魂嵩靈弓劍望愁霧慘中原

壽皇聖帝挽章

孝儉超千古初終秉一心時前未央酒每惜露臺金遺  
範天同久湛恩海與深攀摧慟夷夏悲淚作秋霖

壽皇聖帝挽章二首

受授光堯禹規摹陋漢唐皇圖開壽域國步坦康莊檢  
玉方慈範乘雲忽帝鄉華夷均孺慕矯首涕滂浪  
慈儉遵先志剛明肖上乾題期千一遇躋治五三前他  
日山藏壑終天澤漏泉稽山穿望眼松影五雲連

強同年次子挽詩二首

識子初衿佩嶄然自夙成風猷乃公似文字老夫驚遽  
隕連城器難推造物情新宮漫仙伯政復待君銘  
弱歲不好弄俯窺同隊魚開編便頭角諸老辨吹嗑囊



江浦長翁文集卷之十一  
錦餘詩草悲風忽轉車人今埋玉恨清淚灑衣裾

黃尉挽章二首

傳緒祖風懿居鄉家道肥羣書了漁獵一性自弦韋官  
僅紆黃綬時須補黑衣空纏百身恨遽作九原歸  
落筆心猶壯論年鬢未斑硯捐初鑄鐵澤失善藏山談  
塵那容數靈輻去莫攀松阡縈望眼衰淚可勝潛

李粹伯挽章二首

今代論時傑如公未易量冰壺鍾器質繡段祭文章遂  
鬱鸞臺望俄成馬鬣藏忠賢如此爾天意竟茫茫

病酒漳濱久傳聞信復疑爲郎真地下哭友漫天涯雨  
緋何由挽風松想助悲自今思有道時展蔡邕碑

五言排律

九日

樽俎天風度亭高眼界寬江山對吹帽煙雨入凭欄蟻  
酒傾靈液霜花碎辟寒樂長回過鴈香細靄雙後樂事  
酬佳節千金命一歡燈前喚歸騎星漢已闌干

次韻盛教授

詞章有餘力老色歎侵尋况苦漳濱臥俄聆正始音新

篇驚間發平處冠來今脩月無前手凌雲得此心葩華  
分子細矛戟駭陰森玉楮何勞刻於菟不易擒競傳平  
水市或博樂浪金妙斲風無迹窮搜海壺淡與時猶落  
落逼古謾駸駸樸被征塵暗臨流鬢雪侵徐驅憐老驥  
決起羨鶩禽善價渠能許清愁可得禁不無青白眼聊  
費短長吟頃歲欣相識高山慰所欽周旋窺義府衰朽  
謝書林適越慙荒陋依劉耐滯淫交情向來密詩病幾  
時箴遲子迂軒蓋呼奴潔釜鬻其爐足幽趣玉唾滌煩  
襟斗酒窮簷日超搖得共斟

再遊殖軒小酌

生世岐喧靜平章有不如宦塗吾畫虎濠上子知魚去  
索長安米歸紬笠澤書茲軒住蒼莽勝日復躊躇酒盞  
扶頭後鶯聲禁火餘蘭風度樽俎蝶翅畧襟裾有底煙  
霄意便爲水竹居可須供麩蕖未後課糴鉏花蓓紅酣  
日池光碧浸虛鶴頭依綠荇龍骨鬧清渠詩興因超忽  
愁端得破除時從一吟醉小計百車礫

送羅提舉

萬口歌謠裏臨岐挽使車五雲金碧際平步闖天居皇

江清長卷之十一  
春須禪益清朝有詔除致君真夙素活國此權輿壯歲  
持英節春風滿比閭民皆樂耕鑿吏敢徂侵漁日者流  
離歎時方早曠餘飽飢親勞來骨肉費勤渠汲直開倉  
後韓公報政初重前漢皇席肯挾子公書冠豸傳應實  
嬰鱗可待徐規恢今日事抱負與時攄吏治捐邦蠹胡  
妖信鼎魚衰翁憐命蹇違世坐才疎但有江山助曾無  
亂石儲登門仍造次作意借吹噓此去遊丹地能無薦  
子虛壯心翔碧落歸夢謝黃淤凝睇成分袂從人更曳  
裾念爲天下賀不擬賦愁予

謝龔養正病後分藥

如許臥痾久入春知少蘇遽能捐藥物分惠及吾徒字  
驗親題健形非賤子臞人情工老芋友意寓柴胡恠底  
陰陽寇偏陵山澤儒從君足力減歎我酒腸枯解橐供  
砭劑投筇試步趨身方困厲鬼名已屬亨衢書蠹妨生  
理盃虵可自誣斯文千歲計平世萬金軀大手堪周史  
諸公待董狐幾時隨急詔帆影漾前湖

養正補  
官有信

勸農書淨居壁

小出成休務徐驅免戴星風枝禽磔磔煙隴麥青青蕭

寺蜚塵外行軒數刻停臚呼黃髮叟看臥碧香瓶庶富  
幾無憾耕桑飽所經由衷疎直語或可比閭聽

寄顧簽判

定海虛籍米數簽幕  
主張蠲放作詩謝之

版財虛占籍爲弊與年淡挹酒空名斗無虞可卽禽燹  
頭寧自救捫舌未渠瘖上幕真時望平居念陸沉蠲痼  
丹九轉援墜縋千尋容易令公喜恩勤獲我心益昌畱  
署考神武貸抽簪厚德何容報交情擬斷金

飲寓隱

軒亭曉清曠行樂未妨頻無客不堪醉有花長是春憑  
欄尚紅藥結伴擅芳辰笑駐凌波步香分折角巾鶯聲  
殊自健杏子況嘗新仰止宗英伯來爲鄭驛賓言辭獨  
樂樂仍命可人人鴻弄舞時影梁蜚歌處塵棋枰誰得  
雋詩筆自疑神欹倒何妨屢歌呼却甚真升沉塞上馬  
容易鬢如銀奈許追歡地回頭迹便陳

再遊福溪巖贈主僧

山路細縈蛇欹危訝泛槎幽人肯假榻倦客似還家栢  
徑初軒豁筠窻更靖嘉飢腸如作苦齋鼓恰停槌茶供  
含秋露菘菹帶早花香秔有炊玉煮餅不搖牙好在經

行處還憐舊約差摩莎驗蛇蚓圓缺屢蝦蟇境信人俱  
勝心寧迹與遐農時多閔雨意緒每如麻却話三生契  
空嗟兩鬢華蒲團坐雙穩良夜對篝紗

均州贈應守沈倅

聞道均陽郡平時百萬家客行休訪古世異定興嗟逐  
逐纔爲市通通亦慘搗僅成新聚落那復舊豪奢屬者  
歌簫地連畦蔓瓠瓜今來冠蓋侶薦筋欠魚鰕連日買漢江魚  
無所得狹路幾沙磧頽垣賸土花街塵全鳥雀屋影暗桑  
麻恐有如鴟鵬仍驚攫肉鴉遺基滿空潤面執踞谿硯

一水紆龍脊羣峯造犬牙封疆界梁楚形勝引黔巴郡  
計稽圖牒農功富秉秬吏庸常報最帝澤向來賒劫火  
延中夏髦頭震四遐風聲離夷裔俗習墮奇裘穀蓄寧  
關慮山荒久廢畚腰間尚牛犢籬脚漫縱犯久矣皇恩  
洽悠哉戶籍加帥車初柅軌倅戍未歸槎厚本還千載  
移風待兩衙撫摩端不苟悃悞信無華已日知胥悅爲  
生漸有涯耕耘捐末務惰窳棄前瑕條教須源委浮淫  
計蘖芽要能瀦鄭白不必漕襃斜號召人投袂污邪歲  
滿車騰陵傾獻替陸續拜亨嘉績效煩銀筆人才況絳

江湖長翁文集卷之十一  
三十三  
三百廿四  
紗翰藩仍庶富餘付史臣誇

江湖長翁文集卷之十一終

江湖長翁文集卷之十二

七言律詩

赭圻

朱旗僅奏蜀川功咫尺中原未向風  
禮接謝安猶故舊心知越石是英雄  
生前逆氣無宗國身後餘殃有狡童  
忍對青山話遺臭人生過鳥抹秋空

閑題

自笑冠裳裹沐猴只今江海信虛舟  
斷無貝闕珠宮夢好在黃鷄紫蟹秋  
詩外盡爲閑日月人間分占素公侯



政須漚鷺供青眼未厭山林映白頭

飲客

暑氣憑秋已自消可能枯策伴良宵試開玉友招詩客  
共吸金波對舞腰人近笙歌堪耐老天非風月定無聊  
簿書正使無閑暇卜夜時須慰寂寥

次丁嘉會韻二首

其弟嘉正亦在

倦駐頻題醉後襟離羣自歎闕知音卜鄰未暇論前約  
著語聊須尉此心小挽歸軒清夜飲憶嘗對臥白頭吟  
中年畏別猶輕別添我霜毛又幾尋

塵裏清風忽滿襟詩成正始識遺音才輕餘子今文舉  
氣壓諸豪復季心棋罷蠟燈銜燼暗酒闌庭樹挾霜吟  
百年衮衮須今夕歲晚鷗盟要重尋

再用韻寄丁知縣三首

旗亭風月小披襟尉我東歸聽足音潮水去來當有信  
岫雲出入自無心酒盃乘興從妨夢詩律緣愁久廢吟  
明日揚舲回白首煙橫北固擢千尋

南樓酌酒未分襟啁鵲啼烏亦好音晴日倒紅生笑頰  
煙梧搖淥漲盃心可堪歲月供行色盡把江山博醉吟



不繼燕湖留十日焦峯浮玉恣幽尋丁為燕湖簿留子必以十日為約

別時把酒欲霑襟楚翼吳鱗要嗣音撞玉屢聽辭客語  
斷金淡得故人心對床風雨終前約滿眼湖山念獨吟  
何日水雲淮上宅草荒三徑肯深尋

念衰

心意彫殘底自娛每臨清鏡笑頭顱詩從多病難為好  
官過中年劣勝無急景驅秋著髭鬢歸鴻銜夢下江湖  
更應載酒高陽伴誤輟歌呼話故吾

閑適二首

人間火烈更風蜚笑殺幽人誅檜枝貪赴敵場爭腐鼠  
寧知造物玩癡兒百年擾擾玄駒聚萬化悠悠野馬馳  
老子床頭但周易尚容隱几耐支離

丁年故紙枉埋頭老去時名底用求得句蓋嘗身被謗  
屏書姑免眼為仇關門工作橐駝坐閱世已冥鵬鷗遊  
槁木山麋真適適從來里舍議家丘

九日留交代

歸軒小駐莫怱怱佳節胡宜客路中已締金蘭千載契  
政思萸菊一樽同磕山煙薄秋容瘦槐衮簾疎晚照紅

此興向君殊不淺要看醉帽受西風

次韻蘇監倉二首

時蘇兼  
主邑學

交朋又得一相如高掩虞郎行祕書妙論析微驚我倒  
諸生到眼可人無一官幸此分鄰燭五字渠能攬虎鬚  
快讀清篇病如掃北軒風竹對森疎

長日奔馳傳置如久妨著論與抄書逢人爭席有時有  
疥壁畱詩無處無禦寇未辭躬楚製論文常憶攬桓鬚  
扁舟再有東游便肯向朋從自作疎

再次前韻二首

未說高文錦不如談間已勝十年書是中我亦潛心久  
作者君今舉世無應俗不堪塵眯目論交政復棘如鬚  
獨憐兒戲心猶在更向詩筒較戚疎

倉官尉職賤誰如終歲區區奉簡書勝日偷閑須著便  
青山有約定來無著書聊閤如椽筆疾惡休張磔蝟鬚  
好袖新瓢五峯路碧淙清樾伴蕭疎

縣圃醑醪

北園紅紫已蜚塵始放幽亭爛熳春疊翠影低珠幃重  
洗粧人倦玉容真薔薇清露疑分派末莉評香且外臣

江漢長翁文集卷之十一  
領畧濃芳須好語卽令袖手恐花嗔

賞酴醾病不赴

不得花前共一樽蕭齋藥裹自相親  
閑追水佩風裳夢空負雲階月地春  
縹緲瑤英霧爲幄敷腴玉面酒生鱗  
蜚觴刻燭輸公等定指芳條笑惡賓

次陳宰韻

觥籌交錯舞僛僛曉色侵窻客未知  
便整醉龜乘款段尚餘吟與屬酴醾  
還家擬趁寶瓔珞喚客重乾金屈卮  
著意風煙與調護免教花意恨歸遲

徐陶會

松底軒窻卸虎韉竹簾閑裏石爐煙  
山間風日小春後會裏杯盤長至前  
蟻子醪敷能及客彈圓侯粟不論錢  
巖棲野嘯平生意失脚塵埃雪滿顛

卽事

泛蟻醪敷且命斟中年節物自關心  
風前千柳競春態煙際一鳩啼晏陰  
急景絕憐添鬢雪芳辰猶阻盍朋簪  
年時醉籍梨花地回首鷗盟可得尋

縣西

江漢長翁文集卷之十一  
五  
一徑斜穿犖确行身閑尤覺馬蹄輕坡頭嘉樹千幢立  
煙際長江匹練橫茶鼓適敲靈鷲院夕陽欲壓赭圻城  
一春簿領沉迷裏野鳥山花眼最明

上峩橋早行

一從筮楚替陳編漸慣山行野店眠白氎風霜鷄唱後  
黃塵岐路馬蹄前光陰付我千莖雪伏臘何時二頃田  
寄語淮鄉隱君子浪言梅福是神仙

寄幼度主簿

辭家暑雨濺紅渠轉首蕎花已雪如歲月祗隨流水逝  
笑談陡與故人疎簡書我正罷長道歸棹君行指舊居  
他日霜風吹夢破空從旅鴈覓來書

和張秀才

山川向晚點塵無忽訝篩瓊屑玉鋪巧與梅花爭便旋  
試將姑射比肌膚破寒春酒何曾釀薦飭窮鳩不料臞  
陵藉東君從作意未妨芽甲暗昭蘇

雪晴再用韻

龍燭飛空雪漸無光搖窮巷麗金鋪妓樓遽喜春生座  
席戶渾驚粟在膚剡水不須乘興去飯山猶是作詩臞

江湖長翁文集卷之十二  
自憐白髮疎慵客擁被高春夢未蘇

次韻早春

良辰邀醉得錢無雪後郊原翠欲鋪無力晚風搖柳線  
有情新日養花膚尋芳擬貸愁邊意照水還驚病後臞  
春到祇思爲圃樂賸移杞菊種鷄蘇

次韻張秀才雪

可是春皇吝物華羣仙剪水作奇葩壺中天地渾糜玉  
風處園林盡勒花宿火煖寒聊楫楸夜光落手忽驚嗟  
忍飢遽擬搜詩謝何異空腸更飲茶

用前韻酬雪霽

東風吹暖擅年華不放江雲颺素葩嫩碧忽看搖水面  
暗香已復辨梅花塵埃憐我褐之父名德思君畱子嗟  
沉辱清詩祛滯思真成酒病薦真茶

寄丁主簿

江邊聚首偶經旬自挽園蔬拂甌塵老檜根株官舍古  
涼蟬風露賊曹貧斑駝去後情無那紫燕飛還句更新  
一舸東浮待秋老菊花蘆葉定畱賓

寄林子長教授

江浦長翁文集卷之十一  
芹堂風景幾經過  
匝坐紅蕖倚綠荷  
下筯慣嘗雲子味  
開樽仍費雪兒歌  
官移催我離羣去  
夢境思君樂事多  
鴈足寄詩情未薄  
却慙屬和付羊何

楊家會小坐

斷蜺收盡有雲屯  
月映蒼茫山斂昏  
白露素空猶暑意  
碧林危葉已秋痕  
鳥鳥定爲何人樂  
絡緯惟能竟夕喧  
老閱流光易悽惋  
惜無佳客共清樽

七夕

龍旌鳳扇一相迎  
知費青禽幾寄聲  
天上經年纔舊約  
人間轉盼便深更  
涼河只向樽前落  
微月偏來酒面明  
後夜玉琴彈別鶴  
獨應乾鵲夢魂驚

復程平叔

早歲雄文手自編  
偶同聞喜聽鈞天  
漫爲官去吾何取  
肯寄詩來子定賢  
潘岳自憐頭易白  
士安况苦病相纏  
羨君身健須如漆  
萬里亨衢穩著鞭

汪叔量白酒

妙訣何年受異人  
釀成珍齊祗逡巡  
端憂肯念霜髯客  
取醉時分玉色春  
筯處想如君德厚  
飲來渾類我詩醇



江湖長編文集卷之十一  
借書問字渠須計走馬鳴鞭莫厭煩

寄鄉中親舊

攜書憶上上江船撚指官曹欲二年白傅病多空自歎  
老坡仙去却虛傳人生脩短庸非命我判浮休不問天  
來歲過君定驚笑尚堪詩酒與周旋

鄉中有傳僕物故者

隱靜簡堂老贈籐杖

兩枝籐杖各過頭一贈詩翁一自畱借力崎嶇知意厚  
分岐喧靜果誰優拄歸山路煙嵐好橫向禪堂魔魅愁  
償盡阿師行脚債不妨分我老滄洲

次韻楊樞視圩遊隱靜

勸相江糜畚鍤忙却回小隊訪山房松風不約爐煙直  
晝晷潛隨僧話長政外輟閑知有味區中得醉浪名鄉  
銅丸好句長哦罷坐聽驚猿墮莽蒼

次韻楊樞喜雨

神護天關色正莊挽回帝眷一絲香人間雨信先鳴鶴  
仙界雷翁叱臥羊剡剡青秧迷迥野浮浮白水溜方塘  
豐年信出爲霖手懇悃憂民意叵忘

病中書懷二首



少日清孤效樂天諫書未落世間傳曾圓八節灘頭夢  
重了三生石上緣雪竹霜林便老境蒲團禪板付臞仙  
詩篇把玩真聊爾古井無波敢自賢

促促浮生忽二毛安心有法賴禪逃夢知二豎今相避  
仇問三彭底許饜世路從今蝸兩角燈窓姑置兔千毫  
破顏細點功名錄祗許淵明酒處高

次韻元卿二首

君自才高與世疎我頑能使此溪愚醫師久已肱三折  
賦客枵然屋四隅莫逾十年同好惡相過一笑間憂虞  
胸中圭角今餘幾詩膽出來已破觚

笑攜佳句又衝寒政用消憂觴詠間酒賤粗能畱子醉  
食貧未暇慘予顏搜詩杜老方須藥強項蕭生且抱關  
舊約偶耕猶念否霜林雪竹正爛斑

次韻劉宰

傾蓋回舟一再逢向來淮左又江東自驚歲鑰催衰白  
況說京塵踏軟紅吏役吾方百寮底詩工君更古人中  
挽畱重試傳杯手得醉歌呼興未窮

夏夜飲客

江清長卷之十一  
矻矻官曹興易窮得閑何惜一樽同  
傷愁邊到無惡客  
從竹間來皆好風勝日詩狂輸酒聖  
轉頭渭北復江東  
雕鞍未作扶攜去更放蘭缸子夜紅

贈趙監嶽

才俊如君士論推下交從昔最知歸  
談間八面無餘敵  
酒處千金不當揮方辦西湖陪語笑  
預愁南浦訴分違  
只今又捧江西檄連夜驚魂夢打磯

行都

露冷河傾斗柄低望仙橋外獨歸時  
風梳御柳娟娟靜  
月度觚稜故故遲幾處清歌畱客醉  
誰家長笛倚樓吹  
太平喜樂朝仍暮帝力何曾爾輩知

春晚郊外

輕雲閣雨不成飛稍喜行軒貸夾衣  
帝里園林春欲老  
人家簾幕燕初歸滄灣潮應沙痕瘦  
碧隴煙生麥浪肥  
眼底湖山聊著句那憂樂事與心違

託人賣馬二首

伴我山城慣嶮巖長因馬健感吾衰  
三年粗了癡兒事  
併日猶嗟竈婦炊會見千金市龍種  
可能一笑換蛾眉

還家劣有枯籐在神駕尻輪得自欺

閑人徐步覺優游馬似羞貧意不畱久厭短衣隨射虎  
更憐匣劍佩耕牛楚山好處聊雙屨淮水生時辦一舟  
如子長才當柄用佇看干旆擁鳴騶

次韻王知軍雪

雪神濡物不遺時嗣歲懸知美帝祺沙界積蘇煩阿母  
天仙剪水倩風姨郢城曲好無前調梁苑賓來有後期  
未辦壺天陪一笑夜淡空歛索詩眉

壺天盱眙齋

次韻汪解元

萬里亨衢子舊期故人畱眼看蜚馳低回尚作風鰲面  
遇合何妨物在願落筆每驚風雨駛探囊或恐鬼神悲  
禹門合有龍頭信小待桃花浪暖時

汪免解赴省

次韻王知軍夜坐有懷

夢想天兵下不其壯心搖蕩受風枝攝衣試作聽鷄舞  
窮我庸非造物兒腰下誰懸蘇子印城中人笑董生帷  
西來江左夷吾在黠虜纔堪劍首吹

次沈倅韻呈王漕

主家流慶水傾東不獨烏衣紀數公天畀臧孫當有後

人遲汲直未居中鳳巢袞袞九文羽鵬路搖搖萬里風  
隔坐從今幾雲母定知周魯各元功

次韻王漕起秀亭

夢躡常山萬仞巔寶符千載尚依然胡兒有底梟憑夜  
赤子能忘蟻就羶正朔會須還禹服登臨聊復對吳天  
明年重放危亭日萬旅公方北首燕

王公每譚恢復計甚銳

次韻趙教授

辛丑大旱農枵腹可念歌酒市誼譁自如趙有詩次其韻

爭米何心問斗城聚蚊底許太狂生未遑餼粟如子罕  
謾復公言付阿平緩我愁腸千縷結羨君筆力萬鈞輕  
何時去上中和頌却用詩情寫物情

再用韻

攜孥西壘復東城觸處千愁百恨生如許堯民艱粒食  
未應漢法廢常平愛君長策三農重泥古迂儒一芥輕  
會畧文移倒陳廩一時骨肉慰皇情

再次韻贈郭高叔

知君詩價舊連城不作渠儂苦瘦生血指有人慙妙斲  
空卷如我合輸平珠聯魚目曾非匹鼓過雷門定見輕  
久已傳抄呼阿買陶編可復置閑情

寄陳居仁二首

得居仁書說來  
舊游作此寄之

鵲語晨簷燈夜花  
雙魚隨客到寒家  
交情從昔金可斷  
別夢卽今天一涯  
風雨對床他日意  
雪霜欺鬢與時加  
閱人半世花開謝  
更覺松筠耐歲華  
尚記誅茅柳外隄  
水光搖霧潤窻扉  
桑間曾是僧三宿  
海上能忘鶴一歸  
野店樽罍醅脚醲  
比鄰鷄鶩稿頭肥  
解顏一醉平生事  
更向行藏計是非

次韻郭教授雪二首

皇心憂喜與民同  
帝意淡憐歲不豐  
瑤檢何時下仙界  
瑞花一昔覆寰中  
和聲已自消疵癘  
陳廩從知飽困窮  
今世臯夔活國手  
信知人職代天工  
詩力駿駿雅頌同  
人言平處逼熙豐  
清篇自昔傳平水  
妙曲何人和郢中  
頗怪鯨牙須手攬  
懸知鼠技笑吾窮  
衰慵合袖推敲手  
且可旁觀斲鼻工

次王帥韻後詩呈葉教授

業履冰壺器鏤耶  
元戎韜畧况儒家  
功名自昔須橫草  
南北于今賴灌瓜  
村墅稻田黃罷亞  
塞垣榆樹老丫叉  
爲公著意收詩藁  
傳與中都萬口誇

功名回首負年華梨棗諸雛未克家老計生涯須下澤  
才非世用但匏瓜為儒僅博肱三折謀食寧羞手一义  
青眼故人猶念此肯持巴唱向人誇

次王帥韻

九日楚州燕帥  
出詩即席次韻

史君觴客及公榮慰我他時渴德淡已為穆生重設醴  
更聞正始嗣遺音打圍紅袖畱連舞論檻黃花取次簪  
恰似雄邊臺上醉回頭歲月歎侵尋雄邊高郵臺  
守舊所臨

書劉元之教授劄子後

碧酒清歌興未央挽畱行色為風光小人政自屬饜足  
老子工於作樂妨舞雪放閑愁踏月夢雲驚散冷禁霜  
明朝一寄想思字旅鴈無情亦斷腸

立春前一夕雪二首

天仙幾夜集瑤臺剪水篩瓊不受催直遣瑞花將臘去  
盡驅和氣與春回坐窓客有吟飛絮對酒人應唱落梅  
雪與相如俱未至可能草賦壓鄒枚

雪龍侵夜正銜枚破曉郊原玉作堆雲葉攀翻徒自舞  
瑤花頃刻為誰開土膏已遠宜農事綵勝何妨映酒杯  
幻作冰壺天一噓夢回品物各春臺



餞趙伯衛趙有詩次其韻

雪後垂楊裊綠絲  
郵亭折贈訴違離  
明朝月地嗟分影  
勝日風流此一時  
白閣論詩成夢境  
清湖載酒有心期  
樽前擬倩如椽筆  
細與邦人寫去思

贈仲國美

前年春國美亦畱夜飲云

三閱春光一建瓴  
依然歸棹泊危亭  
烏迎客子各頭白  
柳學故人俱眼青  
曾是縱譚僵婢僕  
又成豪飲臥罍瓶  
明朝小話前溪別  
分付溪風管醉醒

次韻彭景貺

紫燕穿簾若有求  
爲人端作置書郵  
詩翁別後猶能酒  
妄尉歸來亦未侯  
江閣香溫畱語笑  
花樓月好記從游  
卽今滿眼悲涼意  
投老寧禁此段愁

贈課會諸公

歲月翩翩驥受檣  
妙年雲路不應賒  
手中白羽真穿葉  
門外蒼槐又著花  
丹竈功成須換骨  
天河波淺待乘槎  
鴈行看卽青冥上  
却笑臞儒兩鬢華

再次韻答陳居仁二首

籬菊擎霜又著花  
插花猶記醉君家  
兩州札翰雖頻寄



一笑班荆迄未涯酒處賦成千載計床頭易熟數年加  
珠璣屬我元無踵坐想揮毫寫物華

丁年也辦刺天蜚幾夢西垣與北扉未造時英書汗簡  
已煩溪友寄當歸桑榆境界寧辭冷芹藻杯盤可得肥  
說似故人應絕倒衰顏五十盍知非

題殖軒

窻戶青紅斷手初桃蹊竹徑類僧居日陪騷客揮椽筆  
時著班衣奉板輿領會能忘一樽酒窮通擬付十年書  
仍聞布穀催春事一雨朝來溜決渠

賀二石登科

捷音西下亟蜚星二雋辭鋒舊莫京桂樹前宵減清影  
棣華同日擅香名謝家蘭玉真門戶蘇氏文章亦弟兄  
此去提衡霄漢上鵬搏鯤運更論程

次韻何符山人二首

久雨而晴  
故有後章

門外軒裳不轉頭何人皮底著陽秋獨煩客子衝泥屐  
屢到衰翁聽雨樓從昔詩聲追正始卽今賓友驗宣州  
清篇快讀彊人意未覺京塵厭薄游

曉看明璣下網絲物華俱屬喜晴詩一詞不措重呈拙

江浦長翁文集卷之十二  
七字鼎來當更奇喜鵲啁人真作意蝸牛屏迹似知時  
湖山好處長謠去擬赴蘇堤勝日期

同高叔不愚如晦飲再次韻二首

詩老掀髯吟掉頭紅粧間坐眼波秋快傾良夕如澆酒  
宛是當時鎖燕樓樓乃舊名倡居想有疎簾窺白下可無急鼓  
袞伊州憑君更挽劉師命寬破三年爛熳游

珠簾淡裏按金絲幻出揚州杜牧詩共引玻璃扶窈窕  
更煩側理寫瓌奇一懽有約能如願四者求并每後時  
却念少陵從鄭老得錢沽酒話襟期

題潘德久竹居

竹裏幽棲不掩關解將應俗等居山風流彭澤羲黃上  
詩力蘇州季孟間官縛猶存紫公服客來肯靳玉條環  
雪兒小直珠千斛可但蘇簾見一斑

次韻張直閣避暑

紅樞照眼筍穿堦峭閣登臨快此來淨境祛煩仍客共  
醉鄉逃暑更書催庭陰碎喜風頭動虹影明看雨脚回  
萬事屏除詩債迫此心抖擻未容灰

次前韻謝胡運屬二首

耐暑初宵露白頭詩來分我一襟秋露飛瓊滴溥蒼竹  
月漾金波冰小樓政用桐君絃白雪便煩從事到青州  
此懷未滿須牋與更爲狂生賦遠游

爐煙裊裊上晴絲伴閱長須送似詩眼着昏花予已老  
句鎗哀玉子能奇隨人趨步庸非俗取意粧梳自入時  
大手只宜臺閣裏不應猶話鹿門期

早步湖上

忽忽京塵漬客衣正須軒曠一伸眉獨行初日葱蘢處  
不待游人雜選時魚樂暗搖亭樹影風輕閑弄水雲姿  
因循又耐簫歌聒早晚湖山細入詩

次韻章守移學

千柱崇成儼舊規小勞移築未爲非諸儒受業三熏沐  
賢守收功一指揮歲事此時爭拭目決科它日看增輝  
問玄亦復侯芭事可但經生識指歸

次趙解元韻

養病年來懶著書逢人掉臂睨迂儒愁邊好客從天下  
譚處清風起座隅愧我多言終不近似君知已未應無  
酸鹹嗜好雖殊稟政恐渠儂誚太愚

再次韻

與劉止用一編書萬軸垂籤或腐儒表表若今超北學  
多多我已悔東隅聲華看續諸公後爾雅淡知一筆無  
縮手袖間真老矣灌園蓄犉了朱愚

再次韻呈章守

吾儒交賀得宗師片善盱衡置百非小駐鋒車宣室召  
時觀譚麈類宮揮詩壇已許分餘論鄰燭何曾靳寸輝  
此意急須賤阿裘不因魚稻久志歸

次韻章守獵

身著邦君小隊中縱觀虎將萬旗紅目光注射鷹窺草  
電影騰凌馬美風忽有清詩驚破竹更憐蜚翼墮抨弓  
南歸又苦車中婦夢憶分鮮一醉同

飲殖軒

病骨今朝覺倍輕雲天昨夜已全晴爛遊花木欣榮處  
賸喜風煙指顧生春草池塘頻入夢夜窗燈火會尋盟  
悵然又與禽魚別波影沉隄晚照明

趙使君淮春樓落成二首

五鳳規樞到眼中摘星奇觀欲爭雄客乘雲氣遊三島

江浦長翁文集卷之十一  
人聽歌聲指半空便擬瑤盃酌銀漢何妨醉面受天風  
胡床不盡登臨興未覺邦君後庾公

步帳高牙置下方華筵雲影入風裳西山爽氣珠簾外  
北海芳樽錦瑟傍賓主前聞無勝事簪鈿明日賸餘香  
一天和氣誰拘檢付與邦人作醉鄉

贈趙秀才一首

平生心事釣漁舟解后青衫映白頭肯爲功名戲雕虎  
不畱顏面對沙鷗露溥青葢高荷曉風約黃陂小麥秋  
入眼斜川歸趣好此身何處不菟裘

寄興化葉明府進卿二首

輿學居瞻數仞堂業文自笑及肩墻平時江月工分影  
勝日篝燈約對床身世我方憐柄鑿風期君肯遽參商  
相忘兩舍雖匏繫當有詩筒訪士鄉  
一昨連甍較詐狙鉅筭合闕未良圖君來頓笑民之法  
政絕鋒鋷古與徒俗變身如游建德時清人不畏萑符  
自公日有詩書樂大府仍無急急符

贈曹秀才二首

生杭人方  
免解赴省

不復林逋起九京空畱詩卷逼人清如君况自鬼神助

江漢長安文集卷之十二  
三十一  
擲地應聞金玉聲敗履人今笑東郭奔蜂我亦愧南榮  
三千奏牘真餘事側耳齊廷待一鳴  
抖擻曾襟一不優迂臨惟子肯綢繆訪書笠澤心摧落  
苟祿吳門路阻脩老去欲追三徑約客來當辦一錢畱  
它年水北山南計更挈詩瓢就我不

次林計議喜雪韻

雪縞長空紵帶翻數知冬意未闌殘歲功告瑞須三白  
客子憑高耐一寒拍塞閑郊瑤圃闢晶熒危堞玉龍蟠  
歸來凍坐追清賞重把君詩剪燭看

次韻朱秀才二首

蕭齋愁興倩誰寬籠鶴昂霄顧羽翰自昔詩深知武諤  
肯辭雨濕過蘇端心期落落空軒豁世事悠悠拙控搏  
正枕誦君悲壯語夢隨飛將躡鞮汗  
儒冠林立更鴻生經倚菑畬道可耕便合摘髭書桂藉  
未須擁鼻避時名似聞眈夢成三耳會見驚人取一鳴  
講易露門誰第一佇君重席振家聲

次韻石湖居士見梅

東風猶是玉爲塵靜女冰肌小帶皴尚壓芳華擅春事



江清長翁文集卷之十二  
三十三  
枉當窮臘議花神仙姿絕俗遺羣妬鼎實收功看一新  
疎影暗香吾袖手且容詩伯繼黃陳

虎丘

長日蕭齋類蠹魚出門春事半銷除快舒中散飛鴻眼  
穩憩文公臥虎廬塵外風光詩筆底竹梢禪榻茗甌餘  
歸塗定有行人問底許空青潤客裾

江湖長翁文集卷之十二終

江湖長翁文集目錄

宋高郵陳造唐卿撰

明仁和李之藻振之校

十三卷

七言律詩

次王仲衡尚書

次韻石湖居士晴窻遣興

次韻石湖居士遊虎丘寄王仲衡尚書

贈陳簽判

京口呈張閣學二首



題程倅小築

皇孫壽詩二首

酬賈學錄送炭

次陳夢錫韻二首

次韻朱解元雪

次韻陳夢錫

約二同年遊虎丘

寄王尚書

次韻巖上舍

次韻朱通判巖上舍八首

試院贈三同官

歸有日喜作

次韻袁提刑勞軍許浦中路風雨

次韻常熟感舊

次韻犒士

次韻回途打冰

別趙文卿

次韻袁丈知府喜雨

次韻袁憲雪二首

贈趙步帥

壯觀亭為真州作

次韻吳江陳學長送行二首

次韻張丞試士

次韻答張丞

次韻張丞四首

次韻周秀才

正覺寺

次韻張丞

次韻任解元喜雨二首

次韻陳秀才二首

九日

次韻張丞四首

十六夜丞有詩次韻三首

次韻王簽判

次韻自考

次韻戰艦

次韻招飯不赴

卽事

淨居勞農贈二僧

題林監稅漁鄉小樓

九日登樓

鑑湖道中

言懷二首

贈陳居士

次諸公西字韻共九首

十四卷

七言律詩

次韻嚴文炳兼簡張守六首

再次韻張德恭二首

文炳近歲節感愴作詩寬之二首

再次韻呈張守

再次韻贈德恭四首

都梁塗中

謝鄒祕正惠淮白呂判院送酒

寄章茂深郎中二首

自適三首

正月十四日雪

送七子赴省

次韻胡元善

張守招飲

次韻張守勸農二首

次韻王勉夫晚春

次韻張守遊趙園

次韻張守王勉夫二首

再次韻送張守四首

次韻常倅俞君任二首

又悼石湖老人

再次韻酬俞君任

再次韻呈楊侍郎

楊侍郎召飯再用韻

郝澤民主簿贈詩次韻四首

登平山堂

郢州二首

春日客中二首

石城

次韻程師遊習池三首

春雨贈陳主管

陳主管招飲

山行寄程帥

次日再次韻三首

穀城道中

再次習池詩韻寄程帥二首

次韻寄王帥屬

次韻寄陳主管

諸公邀留不及赴前次韻寄謝

次韻謝程帥復遊習池見寄二首

復次韻寄程帥二首

留交代華倅

觀山刑鵝夜歸

禱雨鳳凰山二首

病起二首

寄高郵僧

苦雨

客次小憇

騎過山村

杜毋

次韻程帥八首

卷之十四目錄終

江湖長翁文集卷之十三

七言律詩

次王仲衡尚書韻

着脚功名馬絡頭人生君所幾居州惟公德操朱絃直  
映世冰壺白月秋久已短長冥尺寸可須骯髒羨伊優  
卽今千里謳謠地贏得揮斤五鳳樓

次韻石湖居士晴窻遣興

閶門車馬隱晴雷我亦臨風詠快哉平碧際空煙幕歷  
薦紅照影水縈回園翁門巷初沾絮遊子杯盤欲薦梅

江清長翁文集 卷之十三 落晚小家還饌客旋筭春甍取新醅

次韻石湖居士遊虎丘

山靈知我欲巾車岫幌雲扃已  
拔除竹葆松幢平几席  
碧煙紅影認林廬飯分禪供清無敵  
飲屬詩流興有餘  
莫話長安牢落客付渠塵土曳長裾

寄王仲衡尚書

世態翻雲覆雨間令人合眼夢還山  
生平名義非肝鬲  
歲晚師門要面顏鷗鷺波寬雖有約  
鳳凰城近可容閑  
畱年看試調元手未擬安仁賦拙艱

贈陳簽判

訪陳方  
關門飲

熠熠螢光畧露荷搖搖盃面漲金波  
受風正作團樂飲  
閉戶深防櫂櫓過情話想無雲母隔  
新篇應有雪兒歌  
揆予可諱劉郎笑講舌長乾鬢自皤

京口呈張閣學

歸懷未用話南園臥治于今又北門  
但息兒啼寬上意  
小稽霆擊取中原虎頭銳視非無種  
獅子當觴且勿喧  
更恐譚公家世事斷無宣勸定驚魂

時迷北  
客故云

色辭它日尉淒涼別去吳山楚水長  
蟻國槐安消幾夢

江漢長翁文集 卷之十一 二  
鶴歸華表恐千霜安排久  
鑿冷官飲軟語重登君子堂  
所惜將迎無暇日妨人詩律悟濠梁

題成倅小築

主人領客竟成遲  
閑殺林園此段奇  
勝日阿蓮須後乘  
卽今佳菊尚東籬  
肯來雪壁題詩處  
許繼華堂墮幘時  
醉後與渠同起舞  
一庭花影月迷離

皇孫壽詩二首

寶祚煌煌美帝祺  
天潢餘潤到孫枝  
壽星良月占重見  
振古熙朝此一時  
椽筆紀祥方草頌  
龍樓開笑正含飴  
蘿圖况與乾坤永  
長款三宮奉玉卮  
曾造蓬萊挹德風  
日親儒保罄寅恭  
學窮奧闢包賢聖  
人仰英明肖祖宗  
綵服近天仍樂孺  
帝觴拜賜更從容  
應劉壽語年年事  
九萬香牋未闕供

酬賈學錄韻并送炭

何人戴目倚錢神  
更問吾徒拂甌塵  
醉纈不供詩客眼  
弊裘應笑廣文貧  
坐看十日澗爲雨  
遙想千家桂作薪  
貸子曲身當得句  
地爐分施臘前春

次陳夢錫韻二首



江漢長翁文集卷之十三  
薄雪晶熒壓屋茅未須桂玉計晨庖已便鹽絮明愁眼  
更喜烏鴛得夜巢小聽騷人賦梁苑旋看春意滿東郊  
忍寒便擬尋梅去夢想瑤英點舊梢  
思君采艾歎如年眼底羈愁只自煎破夢有來驚剝啄  
衝泥徑欲跨連錢新篇端復千年計舊集猶須百手傳  
早晚聚頭三日語塵邊閑聽有源泉

次韻朱解元雪

掉頭取別未經旬已積胷中幾斛塵密雪忽明銀海夜  
端憂空負玉花春筆驅和氣君何健囊致新詩我未貧  
勝日兔園當有賦可能客右欠斯人

次韻陳夢錫

手板黃緣替荷鋤從渠爭挾子公書三年已辦青箱蠹  
一飽纔分代舍魚煙燼箕爐朝兀兀窻明風霰夜踈踈  
獨思把酒看君醉墨汁淋浪點翠裾

約二同年游虎丘

兼旬閉戶耐寒威起視晴空碧四圍黃鳥啼邊忽游子  
白龍去後漸單衣年時尚記尋芳約老境仍憐得醉希  
紅影幽香虎丘路杖藜攜酒莫相違

次韻陳倅趙宰雙竹

兩君深結此君緣，句裏蕭參墮我前。  
筍茁便應欺瑞麥，詩成端合付雙蓮。  
窻間儷影斜新月，風處駢梢裹綠煙。  
會擬韓公頌連理，爲渠小輟枕書眠。

寄王尚書

一昨家庭拜帝綸，熊轡催去不逡巡。  
小遲繡袞昇元輔，復向蓬萊作主人。  
竹馬未迎歡意淡，蒲鞭重試教條新。  
詩賡樂職諸生事，筆力誰今幹萬鈞。

次韻嚴上舍

待月尚思前度月，中天圓璧不留分。  
卽今霜氣挾靈籟，如許金波乘壞雲。  
念我吳牛終喘夜，憶君冀馬忽空群。  
文炳時已就它館 睡魂作魔病作祟，猶賴清詩來解紛。

次韻朱通判嚴上舍

蜀莊漂泊闔閭城，獨向陶朱意氣傾。  
詩寫閑情易爲好，雨鏖炎暑欲爭清。  
居同蟻穴晴猶閉，歸笑鳩巢老未營。  
久擬投君渠保社，援毫空復可憐生。

君家名酒壓吳城，肯向時流取次傾。  
筍玉誰今窺正色，班荆渠定賞真清。  
雙壺問字寧能許，一醉畱賓不辦營。

江清長翁文集卷之十三  
五  
莫惜驅車餉元亮須防結鞵要王生

再次韻二首

萬手抄詩遍洛城老懷可但向來傾采菱白雪方迭奏  
蜚雨曉風相與清價重欲輸和氏璧合嚴誰犯伏波營  
卽今貂尾那容續更判工夫費此生  
子元才望未專城玉面醪敷且細傾寵辱盡捐身外事  
醺酣聊樂聖之清分甘亦復憐吾老飲濕終慙不自營  
歸去須君傳此法秫田百畝便平生

再次韻後篇戲朱

淙淙雨執欲沈城袞袞辭源亦對傾闢戶渾疑雲氣近  
誦詩如在玉壺清射知猿臂須穿札陳怯魚麗且閉營  
只把兩君新句法爲歌豐樂詔諸生  
似聞新醞敵宜城想對簷花又獨傾別乘工爲海鯨吸  
廣文當念露蟬清投醪頻遣春浮頰盜印寧無夜闖營  
約束長鬚牢閉戶瓮間防有畢先生

苦雨再次前韻

後詩謝  
許送酒

席蚓堂鼃豈趙城崩空急雨未休傾青秧可復成堅皂  
碧海渠能受濁清田舍望秋猶萬一官曹需祿更征營

江漢長翁文集卷之十三  
寶熏定有回天力卽看朝曦指顧生

底用詩名到鳳城未妨醉帽笑欹傾日聞螟蠃譏狂率  
目送鯤鵬遙紫清譚客有時三不對生涯除酒一無營  
鳴鞭走送君能斷小印親封定好生

試院贈三同官

八月十二日

果釘茶甌意未闌獨慙衰鬢映朱顏聚頭長作三更語  
屈指惟餘兩日閑食葉蠶聲行入聽揆珠驪領不應慳  
預憐朱墨秋宵未咫尺燈窗斷往還

歸有日喜作

夜燈晨飯棘圍重檻束飛猱鶴在籠敢效騷人悲迫阨  
祇防舉子誚冬烘搏風定有莊鵬化得雋從知冀馬空  
明日還家壓新酒菊登金蘂拒霜紅

次韻袁提刑勞軍許浦中路風雨

方隅咫尺儼威顏窮谷回春不作難渥澤欲隨金節到  
先聲已失鐵衣寒來時敢憚風將雨泊處仍聽浪卷灘  
天自與公供壯觀海涵雲物正闌干

次韻常執感舊

詩囊隨處紀山川古縣繁雄更海邊按節將春巡甲壘

循陔回首記丁年綵衣尚念親三釜芝檢終當歲九遷  
移孝爲忠賢聖事期公迄及汝陽田

次韻犒士

萬竈連連儼舊屯朝來喜氣襲人溫固知除器須平日  
政復投醪亦至恩帝綽函春周壘壁使星回耀照和門  
文經武緯君王聖汗簡須公紀治原

次韻回塗打冰欲遵陸

轉頭風日破堅冰未用穿危冒滑行瀚海無波聊整棹  
陽春有脚莫論程詩情動處髭頻撚使事閒時酒細傾  
馮問逢迎黃髮叟里閭驩意爲誰生

別趙文卿明府

人品推君第一流論文向我肯綢繆日從紅粉追譚笑  
家置青編紀唱酬轉首各乘鳧背去幾時同作鳳城游  
臨風莫道書難寄旅鴈飛還是便郵

次韻袁丈知府喜雨

使君今代段荊州指顧爲霖旱不憂比屋便令開笑口  
散人亦復掉吟頭封君擅富寧容數義廩賙貧可待求  
想閱賀章天更喜津津玉色動凝旒

次韻袁憲雪二首

犯雪回帆歲遽殘  
自憐雨濼更風慳  
從遊已落鄒枝後  
著語渠能季孟間  
夢逐蜚僊凌色界  
誰因逋客護雲關  
獨思快目毗陵曉  
玉襯金波妥錫山

塗中壯觀如此

天憐梅藥怯摧殘  
善後何妨小作慳  
一雪應期真望外  
三詩說喜想顏間  
瑤花已兆食四輔  
沉炷爲通天九關  
捲帳盍疇民氣樂  
蘇臺持酒挹湖山

贈趙步帥

出處陞沉轉首非無端  
顛倒念分違瘦羊博士尚骨立  
白馬將軍今肉飛共仰鈎陳明帝極少須尺筆下金微  
爲公草罷平羗檄徑指淮鄉舊釣磯

壯觀亭爲真州作

頻年入夢此躋攀  
驟覺平時氣象還  
吳客到應忘月觀  
淮鄉勝不數平山  
飛檐曲檻霄霏處  
疊嶂橫江几席間  
見說能詩好賓主  
風雷落筆每乘閑

次韻吳江陳學長送行二首

詩人六十合恩袍  
平日周庠重譽髦  
舊學堪重漢儒席  
新文欲僕楚人騷  
等觀得喪心無累  
飽閱豪英眼更高



江州府志卷之三十一  
九  
三十一  
聞道青箱富嘉頌詔音早晚召王褒  
白首詩書未亢宗還紆墨綬揖王公玉堂金馬拌身外  
法護僧彌且眼中自詭嗟枯醜雅志肯從東濕就奇功  
垂虹高士知心客定信襟期出處同

次韻張丞月試士人

居有齋庖教有官諸生肯復計安閑充庭數貢知非遠  
造物於人本不慳思苦得無金注拙眼明終眩錦花斑  
自憐憤秉雌黃筆案牘如今拄屋山

次韻答張丞

顧省辭華分槁乾簿書堆裏作龕官客懷止飲仍多病  
海氣乘秋蚤戒寒好語相濡真禁鬱不才持答欠琅玕  
從今惡况能排遣日課君詩一再觀

次韻張丞二首

夫君腹笥盡奇謀每叩談鋒聽不休誦賦久嗟無此作  
薦賢端合拔其尤小遲榮路觀掀趨聊爲同寮蓋謬悠  
政恐諸公有推挽平時果藝仰由求

槁梧閑據自沈吟投老真成負此心酒沃渴鯨悲事往  
官隨跛鼈笑吾今進爲終愧周人朴歸去曾無陸子金

江湖長集卷之卅三  
尚賴君詩尉牢落時清聾聵發純音

再次韻二首

銅墨才爲一飽謀還因跋寔賦休休南州習俗難馴擾  
北客迂疎易悔尤世味辰星今落落歸心風旆正悠悠  
知非况自五十九爲問衰翁底更求

自揖高人擁鼻吟湖濱詩酒便論心天教聯綬同民社  
日許挑燈訂古今刺眼未妨翻著屨躍爐寧問不祥金  
簡編自有千年計遲子追還正始音

次韻周秀才

暇日枝筇對搖落衰年悲感爲誰多政疎里俗有囁喑  
身遠貴游無孰何耐病阻陪吹帽醉祛愁聊復擊鐃歌  
詩來起我湖海興夢逐狎鷗分白波

正覺寺

細穿詰曲上高寒一鷲青冥杳靄間欄楯欹浮滄海影  
東南重見紫金山方壺入眼鯨堪跨璧月依人桂易攀  
聞說老禪佳寢飯一生無夢落塵寰

次韻張丞

邦人邑吏總堪憐茶供爐熏共籲天占雨幾孤霞粲曉

望霓何啻日為年翻黃已孰村村麥平淥行看處處田  
擬倩龍公作霖手更煩終惠息頭燃

諺云朝霞不出門近頻有此亦復不

驗故云

次韻任解元喜雨二首

寄語今年主雨神當知小雨未康屯人心正切霽霽望  
農事深愁晚晚春朽壤舊嘗封蟻穴停雲空復疊魚鱗  
鰕生宿蘊天人學無計王前拜手陳

俗謂魚鱗天必雨

跪奉爐香幸見憐人言匹庶可回天及今一覩盆傾執  
滿意重占斗覆年僅息黃塵昏永晝幾時翠羽冒中田

此心安得頑如石水旱豐凶付偶然

次韻陳秀才二首

其父在獄有詩哀鳴為挺其禁作此答之

吏治因循俗已疵可無柱後濟寬慈顧慙德化一何取  
敢意古人三不欺剔蠹方圖洗熏染放麈端復甚衰遲  
成君今段萊衣笑莫更風前賦百罹

七字開緘粲陸離元非劍氣燭園扉夜光信出老蚌殼  
錦段遽分鄰女機庭賦繼今行北闕市娼過眼忽南威  
蜚騰可但榮親計我亦它年得僑歸

元日

爆竹聲中雜笑呼  
斗杓插海寺鍾初  
椒觴帶夢隨小飲  
桃板得詩仍自書  
愒日晚塗知內訟  
占風吉卜定非虛  
新年舊管新收累  
大府隆寬儻貸予

次韻張丞

是日忽晴

縣人燈夕舊嘗看  
夜敞窻扉曉不關  
勝賞繼應追俗尚  
晴暉巧與破天慳  
招邀便擬日復日  
容易遽吟山上山  
更乞紫姑豐樂語  
為添喜色到顏間

張計為越行

再次韻

長日官曹迄未閑  
佳辰一笑頗相關  
萬情同樂那容失  
四者來并每坐慳  
歌酒恐孤燈市月  
煙霏猶曠海門山  
龍公可復會事發  
汛掃陰霾彈指間

再次韻

未燈夕張丞送詩再往返矣十四日丞飲借三妓遣往

好時好節工惱客  
投老祇思深閉關  
鶴膝痛醫終是病  
蛾眉公奪豈容慳  
浩歌已減落梅曲  
苦思更妨頽醉山  
冷語陋姝何所似  
貧家矮屋劣成間

十四夜丞和章來復次韻

是夕陰無月

衰年寢食僧齋似  
甚欲持盃解八關  
桂魄元非月娥斲  
韭菹終笑庾郎慳  
不成小醉穿燈市  
又作相逢嘲飯山

思澁徒貽山婦恠羨渠飛雉落黃間

十六夜張丞有詩次韻

燈夕勝遊皆遯意可無歌酒答豐年雲藏王斧重脩月  
樂奏壺僊小隱天鴈陣低空危欲墮龍公驅雨未成眠  
惟應鐵鎖銀花句落紙明朝萬口傳

張丞再有詩次韻

仰高排冪玩清圓學力卑摧舊判年後進或夸金擲地  
前脩猶是斗橫天晚規省語安衰病暇復分題攪醉眠  
祇有君詩追古作未忘緗素遣兒傳

再次張丞韻

十六日作假風狂雨  
橫無聊就枕復作

龍職陰晴肯轉圓寒侵春事倍常年彌旬稔聽盆翻雨  
一室何殊甕裏天多病可堪巖酒戒高春未愁枕書眠  
忘憂蠲忿疑無策小草論功亦浪傳

次韻王簽判

奧學聞君不近名聲華猶是壓時英詩篇向我肯揮掃  
句法驚人渾老成未厭泛蓮依衛幕只今薦鶚達周京  
明朝置酒當投轄萬斛洪源看倒傾

次韻自序

丁年拾芥視功名可但紉蘭茹落英深愧官曹無所補  
向來志願幾餘成分營伏臘耕淮壤久絕音郵到帝京  
尚有好賢餘習在老懷端合向君傾

次韻戰艦

下瀨千艘舊擅名漢家虓將况飛英呼韓款渭人胥後  
小耿平齊事竟成擊楫定無違廟筭覆盂端有奠神京  
聖君動靜天人合持滿何妨亦定傾

次韻招飯不赴

吏能儒業實慙名晚喜論交蓋代英千里久勞魂夢往  
一鷲猶阻咄嗟成粲花論勝違頻聽擊鉢詩工况莫京  
別後標溪縈望眼此心川水漫東傾

卽事

江漾晨光入縣門樓斜晚影到漁村海聲不爲無風靜  
山色居常帶霧昏問俗卽今防愒日來時撫事錯銷魂  
浮生寄寓君恩重未覺天涯異故園

勞農淨居贈皎啓二僧

勞農今喜復南轅夾道扶攜亦笑誼縣尹庶幾無疾病  
山人迎送耐頻煩茗葱湯餠聊堪飽出瓮春醪半帶渾



惟有為民真實意異時陳迹付公言

題林監稅漁鄉小樓

半是蜚軒半是樓主人雅趣寄滄洲晨霞莫靄紛濃淡  
越船番檣闕去畱徙倚想君舒醉眼從容須我掉吟頭  
病來止酒便高臥幾夢煙波沒白鷗

九日登樓

海上重陽率多風  
雨邑寄罷飲作

縣曹逢節猶忙迫陰雨乘秋每接連九日歡娛異前日  
幾年晴霽有今年湖山入座褰珠箔萸菊按香薦玉船  
帽委西風判一醉故人應未笑華顛

鑑湖道中

風煙佳處放歸橈吟坐逢窻首屢搔萬壑千巖爭獻狀  
三江九堰自忘勞尚多菡萏張秋錦少待蟾蜍印夜濤  
繚碧森青誰子宅未容載酒訪清高

言懷二首

此身與世分相違可是平生不見幾知己方占白鷄夢  
寸心已傍碧山飛周旋觴詠須三益斟酌行藏欠一歸  
甓社湖西隱君子為翁應掃釣魚磯

自是三生賀季真亟應收拾水雲身蜚鳧吏隱聊同俗

飯犢生涯且耐貧林壑風煙當未憖利名韁鎖聽橫陳  
世間靜者猶張邴老境婆娑定笑人

贈陳居士

居士不娶居林氏樓與一神童處教而成

昏宦冥冥墮急流羨君高謝此籠囚能詩似是林和靖  
博古寧慙許散愁上藥化金纔傾刻虛舟觸物信沉浮  
何時我亦休官去對臥元龍百尺樓

次諸公韻

歸高郵張守卽日招飲次韻謝之

回首舟餐野店棲何殊子美詠青泥竭來賢將先回眄  
徑上詩壇許命題舉白爛陪山簡醉凝香到有武陵迷

異時過計今方悔曾慮談間彼子西

對雪小吟次前韻

時史君畱嚴文炳借師文飲

翻鴉啁鵲暝爭棲舞絮郊原雪水泥已綴瓏璫分檜栢  
併揚光彩賁穰題撚鬚句好無前勇索酒人歸有後迷  
客子鬢毛今愧此忍寒挾策市橋西

再次韻謝張守得新居

得巢歸翼愜卑棲尚卷風茅落凍泥病樹緣階旋培植  
舊書堆案細籤題地非新野聊龍臥人似東屯賸客迷  
身世只今供冷笑百川東注月行西

再次韻呈張守

烏衣雛燕正依棲又見南風遞赤泥宣室殊恩子夜對  
天章清問御書題可無上藥蠲民瘼有待司南覺世迷  
好在論功繼臯益毋庸問管瀆曾西

再次韻

朋舊攜持過陋棲炊香淪雪餽拖泥酒澆礪魄聊虞老  
詩慙酸寒最切題種秫集功今有約對棋銷日不嫌迷  
千奴別去平安否時欲拏舟覽社西

聞盱眙北使信感事再次韻

猱犬妖狐合故棲函關底限一丸泥幄中已辨吞青海  
甲外寧惟賦白題犁老上庭煩指顧笞中行背問顛迷  
提封舊物渠須計一候鞮汗更向西

雪晴再次韻

璇穹瑩澈晴風後曉日初融陌路泥老檜蒼筠潛動色  
迎春送臘好分題藏春僧閤心曾戀闕海山亭夢到迷  
回首桑陰三宿舊鄮城東去虎存西

對客再次韻

客來一笑同鄉味便粉秋菰刷藕泥糟漚子薑仍舊法

江湖長翁文集卷之十四  
十  
籠緘乾笋儼新題白魚紫鱗空濡沫窘兔驚麋想碣迷  
自揣臞儒合蔬糲放麈終恐愧巴西

述懷再次韻

高車駟馬笑鷄棲亦笑鋪糟與汨泥魯酒得間聊復飲  
晉輿投老偶然題春冰自水收新悟雨矢無鄉悔舊迷  
尚有平生山水癖未妨遊戲向京西

江湖長翁文集卷之十三終

江湖長翁文集卷之十四

七言律詩

次韻嚴文炳兼簡張守二首

嬉遊有願自今償回首春容已浩浩霽景偏遲張錦地  
小園秀出臥雲莊梅林破玉香沾袂池水搖漪淥泛堂  
茶具筆床陪語笑未妨日飲慰還鄉

梅梅柳柳護深行倦客重遊眼更明谷鳥自應尋舊約  
渚蘭潛欲換新萌詩工已可醒人醉賦就當須水坐清  
老我客渠真得計夢魂無復鳳凰城

文炳許作賦

再次韻二首

宋朴隋珠不當償平時佳思墮茫茫老規種秫師陶令  
備有前茅愧楚莊蜂鶴攪腸空軋軋鶴鵝嚴陣怯堂堂  
卽今全勝輸公等自占床敷霸睡鄉

欲轡青驄試小行擁衾待得曉愆明端知霽日渾無價  
可信啼鳩識未萌勝處風煙堪一醉是家池館擅雙清  
不憂兒輩妨人樂倚賴詩豪五字城

再次韻二首

郡政只今多暇日名園欲到指蒼茫能詩有客憐侯喜  
好士惟公繼鄭莊促膝未妨澠似酒轉頭當復玉爲堂  
聯金綴玉真吾事賸刻堅珉表士鄉

近墅何妨一再行後車應著老彌明詩成直壓搶榆上  
譚勝寧容鄙吝萌鷗鷺一灘窺語笑松筠千挺峙寒清  
從今好繪斜川集莫靳流傳到帝城

再次韻張德恭二首

公家父子書林傑力探希微析混茫膝上風流識文度  
儵遊領解契蒙莊六花陣勢容摩壘五鳳規模見肯堂  
自歎吾兒豚犬爾祗宜耕牧守窮鄉

江湖集卷之十四  
平日疎愚但意行每從師友仰高明如君況是庭蘭秀  
向我防譏凍芋萌栢悅懸知待松茂渭流終不溷涇清  
新詩應敵纔餘事紙價于今貴列城

文炳近歲節感愴作詩寬之

嚴侯才氣舊無朋晚作江淮肉食僧飽對風煙吐膏馥  
時因節物動銷凝君今宛是林和靖我亦何如杜伯升  
濁酒寒菹共一笑未妨同剔課詩燈

再次韻復文炳

君猶芹泮老賓朋我似房公再世僧煙徑幽尋春澹沲  
月窻冷語夜澄凝人情感舊多爲祟酒盞澆愁更計升  
笑命棋枰同未夜旋添箕火上篝燈

再次韻呈張守

史君劉白信其朋笑我頑然粥飯僧打睡正便簷日暖  
味詩還喜蔗漿凝破陰風軟梅猶小弄影雲疎月漸升  
一自藏鈎得新句莫停吟筆到燒燈

再次韻贈張德恭

老尋詩法得良朋轉處驪珠悟後僧帝所宮商中夜奏  
仙盤沆瀣未秋凝樂天不幸逢元稹季友而來有彥升



交手當家親父子爲君別本記傳燈

再次韻二首

辭鋒森列看分朋退作窮山苦行僧每讀嚴詩驚我倒  
亦知舜績待公凝絲綸指日從天下閭闔摩霄接武升  
更想班衣奉親壽五雲低護九枝燈  
闖門不乏遠方朋辟席渾如問話僧筆底煙雲無盡藏  
譚間霜霰不寒凝身行建德歡謠裏人在春臺瑞日升  
老子生涯漫些省擁書猶傍短檠燈

再次韻

同門誰定肯論朋拙似茗鳩嬾似僧病減不辭詩語拙  
歸來少貸客愁凝老欺鬢髮絲千丈糴仰官倉日五升  
臺閣中天清夢斷分眠山店問漁燈

都梁塗中

西來行路未妨長敢指淮山作異鄉隨處饋漿驚禦寇  
有人醜藥話韓康柳方弄色新經雨雲似多情巧護霜  
風俗淳龐節物好一樽時與倒詩囊

謝鄒祕正惠淮白呂判院送酒

簷鵲聲前拆鴈書雙材有底到蝸廬潔樽幾夢沾膏露

江漢長翁文集卷之十四  
下筓于今薦腹腴仙府流霞端伯仲徐州秃尾但臺輿  
寒人醉飽何緣靜徑攪詩腸撚白鬚

寄章茂深郎中二首

州麾郎省未華顛解組歸來作地仙杖屨良多閑日月  
亭臺仍占好林泉青奴白牯冰壺裏墮絮漂花醉眼前  
政用著書傳我輩未須緘口縛枯禪章酷好佛

立譚當日受知深不待陳情道古今高會幾陪山簡醉  
長篇許爲愛卿吟歲華遷謝心雖在世路崎嶇老不禁  
擬近卜出謀卜築借公泉水濯塵襟章約訪十山久未果

自適三首

自憐老瘦仍癡絕每強衰顏趁後生療癖無方了詩課  
迷魂有寨對棋枰繞牀不著阿堵物玩世何須身後名  
倚賴兒曹解人意典衣長得解餘醒

渺漭湖天入短篷心期祇許白漚同人言火食闔蓬客  
自命官身田舍翁酒可銷閑時得醉詩憑寫意不求工  
更那長日溫書眼一送蜚鴻下遠空

雲水爲家百累無意行從昔畧方隅飲忘醒醉狂常爾  
夢到無何午未蘇遺俗可辭翻鞵錯付渠陰作負舟趨

江湖長翁文集 卷之十四  
五  
饒饒禮法工相聒閉戶仍防大小儒

正月十四日雪

鄉園燈市頗豪奢客子扁舟恰到家月姊曾雲藏寶鑿  
雪神千手撲天葩未容火樹陪宵燕謾說江梅擅歲華  
苦憶醉穿羅綺陣小軒吟度赤城霞

送七子赴省

旋轉機衡運化樞嗣皇襲六待耆儒斗南譽望俱難匹  
鄴下才華舊不孤郡賦今推作者金王庭可但諍臣趨  
竹林昔隱休回首四輔三公此首塗

次韻胡元善

柳閒鶯友羽衣輕花外溪流鏡面平勝處過君時得醉  
今春屬我老歸耕吏塵祇可黃梁夢棋社聊尋白鷺盟  
猶計浮名孤樂事風煙滿眼得無情

張守招飲

是日王勉夫到明  
日嚴文炳之吳中

春風吹作萬家春誰得聯鑣從使君微徑問花同載酒  
深堂剪燭細論文王郎把臂簪仍盍巖老呼舟首又分  
安得雲龍隨上下佳辰不復歎離羣

次韻張守勸農

是日雷

東郊春好近清明小隊相羊爲省耕扶路人歸皆喜色  
應時雷殷亦和聲不妨密雨催花放有底屯雲妬月盈  
遙想一尊同客夜燭花未剪已詩成

再次韻

眼向囊書老不明合遵寬教事農耕雨餘驟變莒條綠  
曉起欣聆布穀聲譚笑俾民無死徙豐凶轉手有虛盈  
衰翁倍荷殷勤意緘致無非翠織成

次韻王勉夫晚春

送春無酒未須嗟却有新茶試大家便愜輕涼生小扇  
獨憐撲蔕下鶯花霜膚解籜初嘗筍怒瘦因誰擬問蛙  
嘉樹著行森羽葆翠青疎密儼排衙

次韻張守遊趙園

躬挽慈輿訪小園徑輒和氣滿壺天微風會意祛輕暑  
紅藥多情駐晚妍欸唾生春見能事平反供笑掩前賢  
奉親得句無窮樂不學狂生臥酒船

次韻張守王勉夫二首

兩雋詩聲敢重輕蒼山對峙大川傾形爲幼眇無遺恨  
有人題評莫遁情未許曹劉夸獨步不應邾莒合逃盟

清篇讀罷重看鏡似覺青絲鬢脚生

世味平時虫臂輕獨畱意氣與君傾向來繾綣資磨玷  
擬話分攜已愴情盛際功名方策足他年車笠肯渝盟  
漢廷取重張廷尉可待區區結韞生

再次韻送張守

目送歸帆風翻輕贈詩還笑字欵傾如公風義仍知已  
計我隆污合用情想覲龍顏新得意未忘牛耳舊同盟  
周旋尚可諸公後肯放江湖了此生

再次韻三首

未解州符累已輕辭源滿意酒邊傾頽頽前輩真無愧  
袞拂迂儒每過情老境更堪聽別語書郵當復固齊盟  
吳山正合供酬唱安得風前兩翼生

唾壺聲裏晚涼輕風自舒徐月自傾詩好要從知者道  
格高今識古人情三熏誰定分膏馥十襲吾方守詛盟  
預恐幽居念離索時須開卷尉愁生

性資涼躡繫時輕青眼惟公底裏傾砥柱頽波儲碩望  
陽春窮谷見高情青冥蜚上應回首陸續詩來可待盟  
念我老無當世意擬從樵牧寄餘生

次韻常倅俞君任二首

匆匆同醉記前年客路重逢亦偶然  
理窟扣君彌入域生涯憐我欠加鞭  
了知富貴難投足共約歸來徑息肩  
舊欲將雛卜鄰去未應須辦十牛田

與俞甲寅倉卒三杯卽別南徐再會

約共歸休甚銳

與君顏面各臨年同滯江湖恐不然  
虎兕向來甘曠野驂騑寧復待揮鞭  
政成合進陵霄步客裏猶擡斲句肩  
人品國華君可仰豈應學我賦歸田

又悼石湖老叟

老商笑不待三年枵腹人人得果然  
商俗均沾傳巖雨中行羞死繞朝鞭  
探原已茹丘軻載落筆聊差屈宋肩  
緬想神遊知有處定驂鸞鶴戲芝田

再次韻酬俞君任

鬪首亨衢屬壯年卽今奔駑恐徒然  
時情合退羊腸步宦路難加馬腹鞭  
朱紫浪驚流俗眼風騷要拍古人肩  
歸休計辦君當賀兒輩新營種秫田

再次韻呈楊侍郎

左符得請未逾年民譽朝評兩藹然  
補袞工夫舊荷橐



承流政績暫蒲鞭周衡可迂須分陝孔室容窺顧及肩  
側佇翹材着枚叟看公親反汝陽田

楊侍郎召飯再用韻

昇沉渠敢話齊年妙句推褒輩行然高燕况叨瓊作醴  
凡駘底稱玉爲鞭歌終畫扇猶遮面舞困欵花半壓肩  
此去雋遊縈客夢夢陪笙鶴下瓊田

郝澤民主簿贈詩次韻二首

夫君糠粃視錢神詩逼黃初論借秦義槩咸推天下士  
簿曹聊見宰官身茶香延客自不飽書幣踵門誰可人  
從古功名多晚節相逢雙鬢未妨新

薄宦年來尚轉蓬忍將榮悴問虛中共憐杜老諳爲客  
不訝元忠厭作公勝日笑譚方袞袞殘冬光景苦匆匆  
棋枰得雋詩反水誰信吾徒舊諱窮

再次前韻二首

解纜征塗一愴神房陵十舍望西秦苦無勳業禪昭代  
久分江湖著老身三楚上遊常定伯六朝陳迹渺愁人  
不緣俛仰悲涼甚可博臨風得句新

起柁揚帆趁便風狎鷗驚鴈水煙中裏香薦菹聊隨俗

計日聽鷄等自公詩句滌愁收一一酒杯澆別悔匆匆  
與君二紀陳雷契猶遣時人笑兩窮

登平山堂

平山堂上命琴樽前輩風流肯見分戀客嬾斜當檻日  
藏山不斷隔江雲吟牋得意窺天巧醉面禁涼減纈紋  
杖策歸來新月上落梅如雪點風裊

郢州二首

古郢繁華得少畱披雲更喜識賢侯徑容拱挹侍譚笑  
恠底咄嗟成獻酬羅綺香中偷醉眼蕙蘭叢裏掉吟頭  
何如白玉堂中客試問樽前小莫愁

滿尉人間渴雨心未收雲靄定爲霖憐渠沾水論涓滴  
况我行舟苦滯滯已漲麥田千里碧更添沙料一篙深  
小榘會指晴山去布穀提壺各好音

春日客中二首

平時謾說醉爲鄉對景今如石作腸老去猶興客中歎  
春來剛制酒邊狂露桃煙柳爲誰好蜂蜜燕泥徒自忙  
紅紫打圍歌笑地暮年多感怕思量

芳時已歎鬢毛斑何況棲棲客路間杯酒故人千里隔

江漢長翁文集卷之十四  
三百〇九  
錦囊著語一春閑燕鷺飛處頻回首桃李香前合厚顏  
昨夜東風貸庭竹少容歸夢到家山

石城

山巖水繚石爲城千古餘風尚典刑競詫君王啓藍縷  
不無艇子載娉婷流連猶問圭堪秘兆朕虛傳蜜作萍  
更惜讒鋒發蘭尚祇今日月炳騷經

次韻程帥遊習池三首

牙纛猶容後乘追枕書不出此何時香飄玳席千花塢  
影倒粧光百子池詩句肯藏捫虱手仙曹容著牧羊兒

回思行李冒塵土更喜百憂偷一嬉

后山百憂  
間一嬉

清明勝賞尚容追不減觴浮曲水時坐覺晴雲戀歌扇  
看供吟筆瀉天池春光有底遽如許酒量勉添些子兒  
可但大堤民氣樂啼鶯語燕共嬉嬉

青編勛業笑談追千載生賢瑞聖時竹帛會書河似帶  
封疆不止漢爲池玄譚日屬王平子妙語心輕謝客兒  
來歲賞花應帝所賡歌宣勸倍歡嬉

春雨贈陳主管

初宵微月尚窺簷雨脚斜斜曉入簾春謝歡悰風處減

愁將老色鏡中添頗思甫里陪觴詠不歎周南更滯淹  
倚賴宗盟尉宰落得閑詩筆未妨拈

陳主管招飲

時納婦

鵲拳庭竹語頻頻忽有書來寂寞濱盛事許同花燭夜  
芳辰仍醉綺羅春璧聯香閣初鳴鳳霞泛仙觴定脯麟  
更辦歸裝攜珠玉一時人物各詩人

山行寄程帥

雨餘支徑濕平沙恰稱卑官下澤車雜樹暝煙森立巖  
亂峰迎客儼排衙水禽時弄翮僊影野草爭開細碎花  
久憶山行此如願不應回首更思家

次日再次韻三首

山行風色怒飛沙山末屯雲湧砲車伏軾不容同蝶夢  
問炊猶可趁蜂衙龜魚泛淥熹晴日草樹畱春著晚花  
暮憩自憐塵滿面五漿先饋定誰家

微吟緩步愜晴沙聊謝愔愔載婦車時遣貫貂村店酒  
回思縛虎長官衙春山好著屏中色吟筆誰添錦上花  
不訪習池風月主只今何處問詩家

漚雙鷺隻傍汀沙却匯沙汀過客車清吹解撩叢竹嘯

江浦長翁文集卷之十四  
高山如受衆峰衝寒生碧澗懸魚網潤著蒼崖賸土花  
所惜隔牆紅紫滿行行無暇訪山家

穀城道中

何許珠襟繡袂娘額黃曾粉自新粧野芳貪折髻丫重  
胡蝶亂隨屨幅香緩唱采菱空答響小畱桃菜翠盈筐  
漢風未許休喬木行客相逢莫漫狂

再次習池詩韻寄程帥二首

南園勝絕真堪畫邊上誰爲李伯時山納嫩嵐侵密坐  
花駢紅影闖清池吟牋傳遍鴛鴻友舞袖輕於翡翠兒

東府西州皆四黼若爲長伴酒邊嬉

春意垂垂如我老客懷領畧欠當時倏驚鷓鴣鳴清晝  
便有蜻蜓點碧池酒榼相過但溪友錦囊餘幾問廬兒  
芳辰渠盡人離索苦念從公秉燭嬉

次韻寄王帥屬

才華奔逸可能追我識王郎自壯時酒處每看鯨吸海  
書成還想墨爲池窮交徒自憐東野孰看于今敬道兒  
莫靳詩筒數還往人生何處不兒嬉

次韻寄陳主管

江州長翁文集卷之十四  
輶軒七十曉相追記得張園敘拜時香櫬蕙蘭來北里  
雲隨笙鶴燕仇池朋簪重盍寧人力貧仕居卑聽化兒  
祗冀幕蓮分鞞蒟詩壇棋社與閑嬉

諸公邀畱不及赴次前韻寄謝

一失濃歡悔可追故人應念獨醒時回思翠幕圍香霧  
定復長虹起硯池照映鼎來聯璧客風流羞死聚蚊兒  
當時枉重千金諾不見芳辰卜夜嬉

次韻謝程帥復遊習池見寄二首

名園壯觀還前日楔事追遊可後時試問繡筵張綠野  
何如詩客到昆池綺羅香外鸞偷眼花柳稀間鳥哢兒  
定許此民同此樂春城無處不嬉嬉

風流羊杜不勞追况復輕裘緩帶時醉倒莫孤桃李月  
詔歸恐便鳳凰池政傳西蜀中和頌筆跨東京大小兒  
我亦抄詩支郡去公餘吟玩取虞嬉

復次韻寄程帥二首

節物匆匆可挽追直須樂事趁芳時行春倏喜花園屋  
借景何殊月在池

南昌當官借景未妨  
民恰似鑿池取明月

對酒不無桃葉  
女扣舷却笑木腸兒山家有約須重到定放遊人張水



嬉

人家楔板競攀追  
刺史春遊正此時  
羯鼓聲中花作錦  
壺籌多處酒為池  
絕須絲竹娛安石  
賸有篇章付雪兒  
聞道續貂容下客  
老無佳句坐荒嬉

畱交代韋倅

山城老稚競攀轅  
况復官曹辱後先  
敢愛一樽追笑語  
未妨五日作畱連  
天香國色醜顏去  
渭北江東把臂前  
已辦明朝開煮酒  
絲桐小置式微篇

觀山刑鵝夜歸

巢鵲枝蜩已罷鳴  
風聲露氣可勝清  
人諳淺瀨安然獨  
月隔高林未肯明  
却亂宿雲尋去路  
漸因更鼓辨孤城  
誰知歲事關心切  
翻憶衝泥傍險行

禱雨鳳凰山二首

跨鳳西來得好山  
千年人與鳳俱還  
本規法席專嶄絕  
先遣山靈鑿捍頑  
聞道碧泓嚴水印  
或請雨于龍龍見  
山帝印封水不敢  
取試攜清醪闖雲關  
此心炯炯龍應識  
莫遣歸塗更厚

顏

人心神理未交孚  
敢愛微軀走道塗  
雲氣滿山空夢永

秧畦夾澗就焦枯罷羸眼看號庚癸感格吾猶愧鼓桴  
老去憂民心易折龍公高臥得知無

病起二首

吏民兩兩議公癡簿領空勤笑語稀元亮有詩新止酒  
休文多病不勝衣飛塵嬾拂孤三絕止水初澄悟百非  
窻度涼颺殘午夢閑聽喜鵲啁斜暉  
卽病偷閑却自怡坐憑竹几獨多時銅爐煙畔熏風度  
藥臼聲中晝漏遲政自腐腸嚴酒戒不應了事悔兒癡  
淨名文惠誰優劣爲問沾沾造化兒

寄高郵僧

門巷蕭然草不鋤小軒祇置兩團蒲惟師表表叢林秀  
眷我涼涼山澤臞晨飯每同三韭陋夜棊常辦百籌輸  
一書未負西飛翼滿寄清風到座隅

苦雨

連月奔趨禱雨壇卽今積雨厭濛濛蒼天信自有時漏  
后土不知何日乾坐想田疇淪沼沚忍聞升合換羅紈  
縱陽援溺知無術慙愧身爲撫字官

客次小憩

竹屋深明許息肩田家延客解欣然霜枝高掛蘼虬卵  
風砌初搖白玉錢得飽秣疑珠作粒汲深仍詫乳爲泉  
譚間更笑狂沮溺政復知津未是賢

騎過山村

煙村面勢枕蒼山一徑循山作屈蟠入望高幢羅翠密  
掛空匹練喫清寒吟髭撚白迎風去粧而駢紅倚戶看  
頗似騎驢后山老倩誰粉墨洒毫端

杜母

杜母遺芳豈遠求田功誰比此邦優麥隣桑隴疑淮左  
近水遙山似秀州樓識景疎知俗美亭因思孟各風流  
我來眷眷淳龐處比屋嬉嬉路載謳

次韻程帥二首

帥二子未之識到襄陽二公  
是日成行因帥有詩次其韻

滿懷披霧尉生平到日音容隔暮城想見舟中畱郭泰  
可能酒處欠公榮韋家相業應門戶謝氏才華况弟兄  
愧我攜兒在塵滓寸田塊塲望茨京

人間塵不到籌邊詩老乘間思湧泉千佛香名仍世繼  
一燈素業自家傳斗城一去嗟多病賓幕重登便半仙

江漢長翁文集卷之十四  
要看諸郎各行馬染須膏面計畱年

再次韻

門第應疑甚不庭翩隨府檄下山城江梅作意先秋拆  
檻菊多情擅晚榮飲處凝香嚴畫戟客間張丈間殷兄  
主賓縹緲蜚埃外信有人間小玉京  
從公囊筆看西邊不比分弓出酒泉觴詠每忘秋漏未  
平安晏有夕烽傳痼腸頓已蜂腰病妙手親逢鶴背仙  
歸捋霜鬚詫兒子爲翁試校故新年

再次韻

橫前整整萬全兵自笑空拳借背城更遣齊竿混東郭  
坐令鵠卵化南榮黃陳得法仍宗派甫白論情自弟兄  
顧我無能鄒賈役放公筆力擅西京  
因詩衰病顧徒然鑿井今猶未及泉藥幻霜須端有待  
囊緘玉唾愧無傳冥心擬學無言子授訣今猶不老仙  
探妙衛生俄兩得信知穠褻解逢年

再次韻小雪餘言別

是日小酌

舞霓飛霰鬧中庭已辦持盃聽渭城漢水襄山驟漂忽  
早梅晚菊自枯榮雪神作意凌風伯客子歸塗待日兄

江湖長翁文集卷之十四  
蹀躞霜蹄從踏鐵穿林  
蹶石賦于京  
語別詩翁玉塵邊  
已催歌舞壓香泉  
日陪色笑庸何取  
索擲篇章敢浪傳  
還舍賸書銀筆字  
今朝猶是玉壺仙  
后山幸自坡公客  
誰遣離懷愴暮年

江湖長翁文集卷之十四終

江湖長翁文集目錄

宋高郵陳造唐卿撰

明海鹽王廷俊君英校

十五卷

七言律詩

送詩陳惠伯

襄陽賦秋日江梅菊花

次韻程帥二首

次韻言懷

次韻寄別程帥穀城旅夢

梁教病起

上外朝山

過八疊山

馬息山

寄鄉中親友二首

賀程帥因任四首且言久缺詩筒之意

再次韻答程帥高幾宜四首

正仲和帥屬被盜二首 贈高司理

再用前韻贈高司理共八首

病起閑步

寄師文二首

次韻什邡馬主簿六首

偕章宰勸農房山二首

簡章宰二首

上巳溪上燕二首

試柘枝溪上

次韻答許推章宰二首

再次韻答節推八首

梁教授次柘枝詩韻再和

書懷

次韻高幾宜送別四首

贈黃國器二首

過伏龍

武昌

歸歟老秋

宿何人家

次韻張司戶

凌晨復有惠悉筆次韻

贈四子二首

次韻雪詩二首

次贈左司韻俞德瑞



次韻答德瑞

再次韻贈俞德瑞二首

送張文昌帥豫章三首 行都夜歸

次韻同年諸公環碧叙同年會三首

約徐南卿出遊 西林訪銛師

約呂徐二友遊淨慈四首

還王編脩詩卷

元日訪丁端叔安撫二首

次韻王編脩二首

十六卷

七言律詩

次韻楊宰食蓮戲作二首

次兒輩戲商卿設醴韻五首

九日登神居畱題 傅商卿借鵝次韻

次韻謝陳守伯固 贈傅商卿

夜宿商卿家 述懷有作

贈實老 收韻答龔澤卿

晚飯商卿家 次韻答楊宰

次韻楊宰宿北阿 次韻楊宰

又次韻楊宰

次韻楊宰遊神居

次韻楊宰二首

次韻楊宰野步

再韻楊宰遊土山韻

次韻楊守塗中生日

次韻張守妻閔忌

次韻張守晚起

正月十六夜大雪次張守諸公韻二首

次韻王簽判二首

贈吳子隆

次韻張德恭主簿二首

次韻張守勸農二首

次韻張守泛春亭

遊乾明分韻得山字

寄直州詩社諸友

直州諸公語別

次韻趙夷仲三首

送臧汝舟楚州秋試

重九山陽儀真兩史君送酒

次枝子花韻

次喜雨韻

次韻李壽卿明府憶梅二首

次崔帥回字韻共七首

次韻陳學正

次韻趙帥賞古梅

次韻劉常甫見贈二首

次韻張守勸耕二首

題彭傳師無喧境壁

次韻高賓王見投十首

次韻方秘正二首

次韻答高賓王二首

次韻林子長

次韻楊帥畱客賞雪四首

次韻趙帥四首

用贈朴翁舊韻二詩送徐南卿南歸二首

次韻趙帥登平山堂三首

次韻鄭同年餞行

挽章二首

太碩人臧氏挽章二首

卷之十六目錄終

江湖長翁文集卷之十五

七言律詩

送詩陳惠伯

惠伯求所居三詩  
既爲賦作此送似

危樓深室桂爲堂題品端宜虎豹章歷數諸公皆大手  
尚須此老索枯腸馳神幾夜層虛上血指如今妙斲傷  
聊復送君供覆瓿未須傳到鄭公鄉

襄陽賦秋日江梅菊花

秋香冬艷各時宜叵怪花神令出奇金菊正含霜曉秀  
江梅不待雪寒期帽欵同伴龍山醉詩到終嫌驛使遲

江漢長樂文集 卷之十五  
陶杜當時儻經目定并東閣賦東籬

次韻程帥二首

平時渭北與江東文會賓筵幸許同  
政使遲遲嗟去魯未應咄咄遽書空  
抄詩奚翅無瑕璧會意俄乘在下風

搏扶搖風斯在下更喜朝來賓鴈足陽春封寄客塗中

從昔文章蓋代翁言間有物自無同  
娟妍徒玩花含露灑落還驚月印空  
底許賤工慙擢矢信知妙斲有成風  
古今一印元呈露要在神融領會中

次韻言懷

房陵回首望淮東物土人情未易同  
比屋蜂懸人帶瘦亂山戟立勢凌空  
汗鰓共饜川人食簡朴仍存太古風  
破我殘年七百日盡拋詩卷酒盃中

次韻記別程帥穀城旅夢

金翹搖曳玉丁東賓主依然醉笑同  
舊事忽隨殘漏斷新愁不逐曉雲空  
挑燈旋拂穿帷雪攬轡還禁逆帽風  
回首夢魂飛到處壺公窟宅五雲中

梁教病起

側聽長須得好音笑譚已復替呻吟  
逃知二豎今無地

江湖長翁文集 卷之五 十一  
仇想三彭亦就禽定免帶圍憂沈約可須檄手待陳琳  
尚須十日安岑寂酒聖詩愁恐未禁

上外朝山

度隴凌坡冒百艱今朝又上外朝山當車很石通人過  
交道飛蘿要手攀猿坐沉寥猶嘯詫鴈驚巉絕故飛還  
臨風却快塵埃眼全楚山川指顧間

過八疊山

路入千平舒倦眼襄陽佳處亦班班燒香峴好思三峴  
八疊山高似萬山喜此經行無雨阻向來遊覽坐天慳  
山靈定笑貴野鴛默遣歸求邦域間

馬息山

猿蹊鳥道且攀躋暝靄頑蒼只尺迷狼石忽開防地裂  
屯雲不散訝天低眼高欲了三千界夢斷猶驚七百梯  
回望故山真可指杜鵑腸斷爲誰啼

寄鄉中親友二首

棋酒遊從歎離羣犯床吟筆漫飛塵湖乎可奈才力老  
甫也尚爲南北人安信不隨秋鴈到流年倏復野梅新  
南崗北阜憑高地引首吳天幾愴神

坐衙隨分吏分行退食還先藥探囊已爲河魚廢詩酒  
疆教籠鳥聽宮商老猶苟祿寧良計病悟休心是秘方  
想見親朋遲歸楫爲翁補漏斲空荒

賀程帥因任四首且言久缺詩筒之意

思綸蜚下漢江濱特許襄民借寇恂千里江山皆動色  
列城條教再生春灌瓜夙稔安邊策茹草寧無待哺民  
方倚金城親邵父近君寧惜小逡巡

詩律寧惟似變風姓名久矣御屏中逢辰千載合致主  
入夢丸華仍插空鐵瓮倚聽新號令銅蹄終舞舊兒童  
煩欒叶氣成豐歲却造臯夔侍舜瞳

肯優襄峴劣南徐行止平時每裕餘荷紫端宜冠鴛鷺  
飛黃猶似顧蟾蜍緬懷夜燭賡清唱况許春郊載後車  
從此追陪得如願重分膏馥澤空虛

先生一筆將詩壇度匱珠璣底坐慳平日漚盟當未憖  
于今鴈足每空還傳抄可但聞平水老瘦從知笑飯山  
緩帶輕裘祗常日千篇破竹定乘閑

再次韻答程帥高機宜四首

自分迂愚著海濱諸公薦力漫忱恂摧頽晚境空多感



局縮窮山亦再春故里歸耕雖有約中田敬饁遂無人

何由消破愁千斛甓社春濃莫計巡

甓社春吾鄉酒名

名德誰今挺古風人嗟汲直合居中揮毫有物鬼落膽  
與世無心雲度空倚聽金鑾拜新渥又煩竹馬走羣童  
貝宮風露鼇峯月行矣輝華映兩瞳

高郎筆勢未姑徐千紙珠璣歛唾餘春興漂蕭陵野馬

夜窻清絕冰

去聲

金蛛諸公交口傳黃絹蜚詔褒賢定赤

車亦使窮山拜嘉惠衰翁擊節正馮虛

倒海翻湖袖手觀揆予才思坐天慳愁攻心折仍無賴  
債壓頭低不辦還坐想賡酬聯白壁祇令翹企仰高山  
拙疎却喜便衰病贏得蕭齋盡日閑

正仲和帥屬被盜二首

衣囊緘鐫竟胡爲祇與偷兒便挈攜髻重得無猜祖珽  
璧亡遮莫議張儀館人求屨古未免有力負山人得知  
不用經營辦春服舊紉蘭芷扈玄離

向來忠信倚垣墻誨盜如今坐慢藏望意漫言疑聖智  
奇文不合吐光芒玉川空屋遭窺瞰子敬青氈果在亡  
賴有平生千牘在未妨攜載作歸裝

贈高司理

窮鄉洗眼挹清揚凜若重登月日堂驥子鳳雛端不苟  
吏能儒業况兼長簡孚首解秋荼密襞積仍熏古錦香  
我亦床頭一經在自公正欲共平章

再用前韻贈高司理共八首

少年場裏獨鷹揚他日懸知玉作堂小試問囚窮兩造  
徐看載筆擅三長得詩遽眩珠璣爛玩味還疑齒頰香  
風月無窮才不盡坐須喬木擁千章

帥幕羣才賴激揚衰遲猶喜後升堂雷封局縮聊償債  
袞字褒嘉但寸長再試真成不龜藥九言終佩辟邪香  
龍門夢斷誰知已幾誦桑阿賦末章

衰宗如此况他揚碌碌諸雛欠肯堂薄宦幽憂殊未醒  
故園歸夢可勝長盃盤頓頓家鷄嫩翁媪嗚嗚社酒香  
猶記比鄰笑行客夏畦龍斷爲金章

詩語庸非自播揚流傳朋舊定烘堂儒書投老空成癖  
舞袖平生不解長黃鳥啄殘丹杏顙清風搖動綠筠香  
山城寂寞便吾嬾劣勝精神弊句章

俗裏毫絲起抑揚請君時閉讀書堂渭清肯混涇流濁

鳧短徒憂鶴脰長千載流傳防造次百年表立要馨香  
了知此印君堪付過眼危涼忽報章

蘇李宗風我舉揚少陵公按子開堂官曹此地文書省  
詩社從今日月長山滴曉煙收後翠蓮漂天女戲時香  
可孤煑餅分彊韻正使銅花澁印章

腰錢幾夜夢維揚上雨傍風秣此堂人笑鈇刀那用割  
自知韞線豈能長課詩壇畔獨飛動問字人來且碧香  
徑欲披衣還舊隱二天寧久溷蘇章

帝旅曾觀武事揚如君文勢整堂堂了知一筆無前敵  
坐遣諸生喪所長丹桂高攀霄漢迥捷書西下姓名香

貝宮鼇禁應餘地看展平生補袞章

君方從舉子試陳  
倅有桂萃香之語

故末章  
祝之

### 病起閒步

暝綠園亭小雨晴病翁雙眼爲誰明柳如張緒不勝韻  
竹與子猷相對清門下鳥鳥無客到壁棲蛇蚓又詩成  
回頭溪友千山阻更向何人話此情

### 寄師文二首

時悼亡室

世塗豈必盡籠囚自是迂疎拙應酬簿領嬰心寧素志

夢魂何日不滄洲揆吾溫飽兒堪託平昔行藏婦與謀  
已判來年拂衣去寄言亟辦釣漁舟

萍梗漂浮已老翁歸來差樂未終窮稻田取足隨豐歉  
花圃逢春自白紅禪老版頭容客飽臧孫鼎足祗墻東  
更聞名酒新傳法詩外棋邊莫放空

次韻什邡馬主簿二首

陶謝前蹤一筆追掀天聲價舊風馳瑞時不數九文羽  
換骨疑殮三秀芝蜚電燭巖方左席明珠照乘忽清漪  
裹創膏欲凌堅陣可諱含毫不自持

紛紛過眼甚螽斯膽掉驚逢驥跡馳獻替付君溫省樹  
朝晡還我故山芝荆江蜀棧聊舒嘯卷耳思齊正採詩  
回首定傳天上信囊荷知傍紫皇持

再次韻馬主簿二首

後詩餞  
其行

冥搜成癖漫勤斯緬想騷人正坐馳點化今逢萬金劑  
神奇蒸出九華芝三吳才雋應焚硯萬里風煙盡入詩  
盍與元劉論伯仲未容郊島更矜持

左顧衰翁底取斯轉頭歸馬又西馳賸催阿買抄新藁  
大勝齋房紀瑞芝樂歲人家皆有酒高秋天氣總宜詩

江蘇長翁文集卷之十  
霜花露菊留迎客預戒西成省控持

再韻二首

飽食頻頻祗鷓斯可堪迅景隙駒馳不逢猶是桐爲琴  
當價胡寧菌作芝天籟寂時三弄笛楚山窮處四愁詩  
將壇可復宜衰病此柄須君爲主持  
歷塊飛黃可得追加鞭十駕浪驅馳不應猗頓懷周朴  
敢向天仙話土芝晚傍涪翁觀落筆了知高叟固爲詩  
謬爲恭敬吾何取政恐龍泉有倒持

借章宰勸農房山

登臨一擬豁心曾著我松窻竹屋中宛是官曹縛雕虎  
不容塵眼到飛鴻綿延天際應平碧孤負林梢抹嫩紅  
俛俯去年舒嘯地解衣聊復近熏籠

簷外雲深雨合圍此行不歎始謀非對君便是蘇端過  
把酒曾無御叔譏紅濕煙郊思散策寒欺病骨旋添衣  
了知未盡山陰興共作衝泥傍險歸

簡章宰二首

蕙蘭洲北觀山頭未暇尋盟訪舊遊自笑春來多病過  
靜無人處但詩愁遙知聯轡窮幽勝更想簪花賸獻酬

報答東風應得句奚奴亟肯寄儂不

縹緲雲藏羽客廬不妨尋勝小踟躕  
夷載酒鶯花處古錦囊詩簿領餘百  
和風輕吹欲醉萬山嵐凝對憑虛  
譚間定笑衰慵客竹屋高春尚枕書

上巳溪上燕二首

後溪分占羽觴浮雷隱歡聲半棹謳  
况我閑官似犀首爲渠領客作鰲頭  
玻瓈影裏粧光膩桃李香中步障留  
病骨得晴堪近酒與君同拜醉鄉侯

杜若洲邊卓旆旌佳晨一醉萬金輕  
春光僅有一分在天氣可能三日晴  
解道蘭亭亦陳迹肯吟楚些愴幽情  
人生到處皆兒戲笑看爭標鬪兩鯨

試柘枝溪上

是日晴色  
衆客喜甚

蕙風花氣雨餘天報答融和玉作舡  
壯歲自能鸚鵡舞老狂猶有柘枝顛  
羣鴻翩度昆昭錦雙鳳翔從玉井蓮  
起我少時豪狎興未甘詩客號矚仙

次韻答許推章宰二首

喬雲非霧靄飛浮滿聽遊人載路謳  
痛飲君能判濡首新翻我亦辨纏頭  
羽觴瀲灩風微度翠蓋翩僊晚尚留



且倩銀鈎寫陳迹未須詩律壓劉侯  
北來青翼導霓旌翩若凌雲鶴馭輕  
煙柳困眠纔寤曉露花酣醉正熹晴  
獻之能賦雖辭罰楚客同醒恐不情  
毫興尚堪追少雋漏卮灌酒鱸長鯨

再次韻荅節推二首

透幕穿簾香霧浮行雲低影傍清謳  
遊人是處歌鼓腹佳客伴翁吟掉頭  
令節可孤三日醉歸期猶有一春畱  
詩壇酒會容先畝莫問將軍老不侯  
虧成久不撓心旌老閱人間百事輕  
却笑平生甘淡薄每緣行樂問陰晴  
羽觴餉粥同春事臥醉行歌見俗情  
擊鉢更遭強敵困可能赤手控奔鯨

再次韻荅許節推二首

楔事罷覺飲過度強起遊觀山小雨等止因節推有

贈用韻荅之兼簡知縣

起依筇竹似桴浮改就新詞却自謳  
囊錦斬關聊袖手酒兵推戶且扶頭  
東風已拆紅躑躅碧樹更啼黃栗畱  
醒醉醉醒殊未沫不應通守羨通侯  
步屨巉巖屏騎旌松風茵露爲誰輕  
已無桃李擅春事忽有鳧鳥啼晚晴  
羽客不妨同水厄宿醒端解敗詩情

江漢長翁文集卷之五  
開緘又拜同寮賜錦段中含掉尾鯨

再次韻四首

三公再和復成四詩道歸  
休意且謝所覓亦以譚詩

新釀開缸淥蟻浮舊辭仍缺唾壺謳宦塗要處難插手  
詩社叢中常引頭倒載肯陪山簡醉反關莫厭孟公留  
秋田粗可供佳客不比封君亦素侯

翰墨場中對抗旌黃陳一筆萬鈞輕武安屋瓦秋輦震  
湘水波光夜月晴沮洳求魚真自笑渚涯向若倍馳情  
吾生恨落任公後不見投綸掣海鯨

尸祝代庖良過矣卽今坐嘯免譟謳陶朱計食魚萬尾  
景畧有兒牛十頭甫里過從勞夢寐潮川歸去忌遲留  
大昭一弛吾通袖冷看逢蒙中射侯

韻語聯翩到浚旌楚珩非重夜光輕吟成品物回春態  
誦處東風放曉晴抖擻錦囊娛我老滌除愁斛見君情  
固應詩膽驚無本刺手霜牙摩怒鯨

梁教授次柘枝詩韻再和

洞裏鶯花別有天爲渠蘸甲上金船舞殊貪看塵生鞮  
飲興渾忘雪滿顛弄影競垂三昧手倚風疑裏五枝蓮  
廣寒再閱霓裳罷笙鶴飛來未是仙

書懷

人間窮達命污隆作意功名欲捕風但見劉班誤車子  
何曾鄧禹笑王融官曹得飽餘何事書課乘閑亦雋功  
少待尊鱸付張翰一溪風月放舡蓬

次韻高幾宜送別

棋枰詩課憶同堂轉首暄寒幾部章每歎鞢離念陳迹  
更因衰病感流光亟催江鷁休停棹已信溪禽不亂行  
魚澳芋區真好在連宵歸夢爲誰長

士價如君定玉堂陳陳腹笥漢文章卽今綵筆春爭媚  
它日青藜夜有光詩力不勞凌汝輩才名况自溢班行  
清篇見屬吾何取愧闖辭壇闕寸長

再次韻謝惠詩

仍敘不敏

百鎰贏金數仞堂何如盥手頌佳章奪胎信自非凡劑  
獻佛當知便放光斤運向來車合徹影斜還惜鴈分行  
衰年離緒誰禁得鏡裏新絲莫計長  
小家茨竹卽爲堂暇訪深林索豫章平日牀頭但周易  
看人筆落便靈光庠隆賦質嗟多樣良楛論材要當行  
莫向黔婁問奇貨長沙舞袖可能長

贈黃國器二首

仕于窮山故人黃國器亦奔走湖湘予官蒲相值鄂渚敘舊喜甚約

三百四

連舟東歸  
二詩贈之

交情凜凜久彌堅遊舊何人似子賢別去漂零各天末  
喜今譚笑復樽前德人政用寬幽獨歸路胡宜更後先  
彈壓山川須妙語不妨排日為君編  
簿書叢裏久囚拘漚鷺羣邊忽自如白傅已甘多病過  
安仁况復悼亡餘歸田且辦克腸米遮眼非無插架書  
如子功名方追逐未應偕我問樵漁

過伏龍

蜀棧荆江志未酬兩京直擬笑譚收僅容屏后存鄴祀  
誰遣東吳解魏仇制敵豈應無法正為謀不合有譙周  
伏龍祠上長煙靄憤氣堂堂恐未休

武昌

客子脩程未息肩江山佳處小畱連醉臨庾亮樓前月  
夢闖回翁洞裏天形勢盤縈蹲虎鳳輪蹄隱軫度絲絃  
登高欲賦還東望楚些無因喚謫仙

歸歎老秋

已辦求田問舍謀登臨那復更悲秋蟹肥與客爭先把

稻熟催兒徹晚收  
霜後峯巒添峭措  
波間漚鷺劇風流  
寰中勝處天應惜  
付與癡兒祇暗投

宿何人家

步尋松篠款谿研  
忽到孤山處士家  
十頃蒼鱗漾墻角  
一鉤寒玉插簷牙  
杯行不乏紅絲餚  
飯了仍供白露芽  
把臂傾舒吾已怯  
又分離緒上歸槎

次韻張司戶

鴈汭解后張  
有詩見惠

橘頌精靈雜遠遊  
如君信是古詩流  
吳門肯問鱸魚膾  
東武當營燕子樓  
有底揮毫挾風雨  
定知貯腹盡陽秋  
卽看珥筆鴛鸞右  
莫漫江城詫狎鷗

他日猶能說宦遊  
老禁多病厭漂流  
近臨西蜀窺鮫室  
舊傷東溟看蜃樓  
歸計已嗟霜蟹晚  
吟聲閑伴候蟲秋  
塵冠徑欲畱神武  
萬頃蒼茫漾白鷗

凌晨復有惠急筆次韻

小駐江干接雋遊  
渭清涇濁可同流  
假真笑我陳驚坐  
造妙推君趙倚樓  
姓字已高時輩上  
功名尤忌鬢毛秋  
等閑莫學金華伯  
碧水如天擬夢鷗  
山谷詩夢作白鷗  
去江南水如天  
仕塗決矣息交遊  
姑向林泉訪勝流  
短褐直甘乘下澤



異鄉終勝賦登樓驚心夢境檀槐戰屈指鄉園秣稻秋  
雉翳龜焦緣有用未聞金彈中沙鷗

贈四子二首

龔澤卿傳商卿臧子與子儀  
追送予至維揚作此贈之

峩峩氷港僅通舟策策霜風透重裘良爲予來真好事  
小畱君住得銷憂可無譚笑傳觴處賸有煙雲洒筆頭  
保社相娛倚公等暮年于祿判悠悠

交遊過眼亦班班四子聲猷豈易攀百里來羞長翁贖  
片言仍解相公顏事乖雅意疇忘歎我已南驅子北還  
繼此開樽講德處定知矯首向雲山

次韻雪詩

林郎中宴八客七客皆朝彥  
出春雪詩軸因口占次韻

欺梅瀉竹透承塵熒侮東風似妬春匝地閭閻皆種玉  
插空樓觀忽鎔銀坡云鎔銀  
百頃湖窻明尚憶耽書夜身曲誰  
憐旅食人親見飛仙下瑤檢諸公居處與天隣

再口占次韻

林舍人伴射得賜銀對客云此錢已  
盡未能觴客俟置一姬訖當尋盟

君家朱閣隔囂塵可欠賓筵蘭蕙春橫草定銘鞮汗石  
穿楊新賜上方銀幾時醜酒招嘉客不假傾囊得麗人  
莫坐風慳仍雨澁祗將詩筆詫無隣

次會左司韻贈俞德瑞

時俞  
買妾



班荆同昌軟紅塵一種東風兩樣春  
雋飲放君顏似赭幽居憐我鬢如銀  
簡編自誑供良夜要榦渠今有  
幽居憐我鬢如銀簡編自誑供良夜  
要榦渠今有幽居憐我鬢如銀簡編自  
誑供良夜要榦渠今有幽居憐我鬢如  
銀簡編自誑供良夜要榦渠今有

次韻答德瑞

詩客曾襟舊絕塵惠然分我一緘春  
裁成蜀國添花錦貴重丹砂伏火銀  
坡謝二孫詩養火雖未伏要是丹砂銀  
暮雨朝雲知有夢瓊枝璧月可無人  
要須共醉彭宣酒莫諉忘情宋玉

鄰

再次韻贈俞德瑞

前後共三首

珠軒綉轂輾香塵回百西湖羅綺春  
便合行歌訪花柳可辭買笑費金銀  
清吟自屬當千客勸酒那無第一人  
肯學孤山舊居士平生詩酒祇僧鄰

孰知妙語析微塵細寫都城浩湯春  
向我能分趙城壁爲君還缺唾壺銀  
平時宦路甘違俗投老詩聲更後人  
柄鑿推敲有砭劑不勞千萬得芳隣  
襟袂猶緇客路塵攀追強踏帝城春  
落身窮僻才全璧敵已遊從半佩銀  
枉却近臣開薦口頗嘗內地著癡人  
君看捉筆青燈夜得句歡呼聒四鄰

送張文昌帥豫章二首

倚俟新年轉化鈞畫方三接徑抽身平時但有凝香夢  
盛世那無勇退人滕閣賓筵時可醉金華詩令看重新  
盍思遠邇商霖望不但淮鄉有洞鱗

張文潛云補外之樂發於夢寐故后

山贈詩時平身早  
達未用夢凝香

談間賓客重宣州到後兒童敬細侯薤本擊彊休領孽  
棠陰問俗見風流湖連市屋疑豐樂江遶城闔似石頭  
漚鷺要盟公莫信江湖祗計半年留

行都夜歸

燈火通衢苦未稀望仙橋外獨歸時風梳御柳娟娟淨  
月傍觚稜故故遲隱地輪蹄忘夜旦幾家樓閣不金絲  
時平睿澤天無外帝力曾何爾輩知

次韻同年諸公環碧敘同年會

天瓢挹注拱仙官更閱詩仙錦繡端離合不忘車笠誓  
畱傳當金晝圖看玄譚想有蛟龍聽德醉仍均客主歡  
俛仰謫仙三百載從知樂事繼今難

東坡云謫仙後三百年無此樂

再次韻

春意溫然待上官松醪更勸語更端行厨賸遣黃頭載

江漢長篇卷之十五  
下客何曾白眼看傑在漢庭方眷注功將周室更祗歡  
孰知末至慈恩舊老境猶歌行路難

又次韻

聚首論年不計官寥寥故事復開端俯容我輩輸心語  
更遣時流洗眼看庾亮賓筵無盡興昌黎文飲有餘歡  
舍人妙句還新樣白雪賡酬政自難

約徐南卿出遊

前夕雨  
曉枕作

古寺周圍錦樹窠清湖演漾麴塵波偷閑已計三滄反  
敗興其如一雨何政復小孤漚鷺約未妨來校魯魚訛

春光尚有三之一徐辨蘇隄一再過

時予編惡藁  
南卿每分勞

西林訪鈺師

師頗  
能詩

天將宿雨淨春空却著湖山鼓吹中載酒言辭藉花伴  
運斤來看斲泥工前身師定參寥子拙宦吾今張長公  
俛首人間皆長物未妨分饗北窻風

約呂徐二友遊淨慈二首

二友簡問行  
期急筆以告

芒屨明日踏晴沙肯學渠儂走狹斜天井巷前休倦足  
暗門城外把煎茶暫同佛屋僧庖飯徐訪姚黃魏紫花  
要及錢唐尚畱鑰共掄吟袂緩歸家

一笑成行不待營可無條約論同盟盤飧取飽真君事  
杯酒邀歡太俗生撥冗得閑殊自樂吸光飲淥不勝清  
卽今冷眼聚蚊夢彼此劣優君試評

再次韻二首

問舟初立柳汀沙雲日昇空淥影斜詩索耻隨金埒客  
蔬腸未厭玉川茶青湖波外方遊女翠幄叢間亦晚花  
小待春歸簫鼓靜還容襍被欵禪家

塵中誰定免營營鷺渚漚沙且舊盟夙世林逋漫千首  
逢人圓澤悟三生扣門喜共僧窻飯斷句猶能鏡樣清  
身世已拋春夢外更於文字措譏評

還王編脩詩卷

奕奕長篇問短吟子綦天籟伯牙琴幾人不溺西崑體  
老我親聆正始音得寶渾驚探驪頰換金當復售鷄林  
還詩正恐非予助晝易忘飢夜易深

元日訪丁端叔安撫二首

時丁出謁徑行  
畱講古一集

幾夜徒勞夢帝宸行賞已橐更逡巡北山祗合追逋客  
南道于今欠主人表表德名當世重堂堂公議有時申  
繼今重策冲霄足鶚表胡寧後隱淪

節中應接可辭煩客子回車重慨然比我過秦應一笑  
想君出峽富千篇前知此別非久別定復新年勝故年  
紅藥紫薇方次第莫占風色問春田

次韻王編脩二首

作詩還王詩王  
有詩次韻謝之

落手新詩吮復吟自甘壁角掛枯琴祈光已吸金莖露  
張野俄聆帝樂音療我平生風雅渴放君高步雋英林  
人間夢想珊瑚樹龍護靈湫萬仞深

老誓捐書斷苦吟君苗筆硯戴逵琴因君又試推敲手  
揆我終慙繳繹音漫作蠹魚食朽策倏聽鴨鳩語中林  
肉臺盤客曾丁字碧酒畱賓聽淺深

江湖長翁文集卷之十五終

江湖長翁文集卷之十六

七言律詩

次韻楊宰食蓮戲作

平時蓮實吾羊棗日飫甘寒不自疑  
病恐傷生嚴食事居多節口甚嬰兒  
舌融沈澆詩能說手掬珠璣我屬思  
對酒移風勞想像靜看千柄泛前池

再次韻

詩到衰翁耐病時辟渠三舍更何疑  
才高王儉幕中雋氣懾孫郎帳下兒  
向我論交得無意他時懷舊更長思



江湖長翁文集卷之十一  
蓮莖把玩不爲腹羨殺逢人飲上池

次兒輩戲商卿設醴韻二首

水豢山膚自土宜况邀從事到青齊  
賓筵大嚼寧虛口  
竈婦深顰想噬臍  
爛醉豈無醒酒鱸  
明朝重閱不鳴鷄  
扶頭更憶松江曉  
旋買鱸魚薤擣齏  
將命長鬚脚未移  
聯翩客馬已來齊  
菊花旋採浮雲液  
羅幙寬圍護麝臍  
醉裏有詩皆虎鳳  
區中無物不蟲鷄  
主賓等是龍津客  
未分金鱗臥瓮齏

再贈澤卿商卿道舊三首

一昨西風散馬蹄  
肯如接浙去東齊  
人家炊玉香馥鼻  
禾壠如雲高過臍  
飲雉不無驚渴虎  
醉歸同約候鳴鷄  
二卿好客家聲在  
遮莫茅柴薦韭齏

隆污非是莫端倪  
菅蹈觴深試汨齊  
荆璞笑渠忘衛足  
塲金何策贖然臍  
悠悠塞上悲亡馬  
斷斷尸鄉業養鷄  
可是世紛吾屑去  
平生結習晚吹齏

過眼紛紛更問爲  
幽人生死况能齊  
海桑恐礙日車轍  
宸極劣爲天磨臍  
滅穀君方墮書蠹  
研桑我亦笑醯鷄  
晚知戰勝輕千乘  
悔厭晨鹽與暮齏

九日登神居畱題

行行十刻冒風沙驟喜深堂放馬搗旋報陰雲漏紅日  
共追佳節把黃花多煩沽酒畱元亮莫漫移文調孟嘉  
未竟笑譚人樹醉簷棲片月欲翻鷗

傅商卿借鵝

吾家水豢慣秋春穀飼欄栖又一新友義何須換鵝帖  
鄰墻防有噉葵人眠沙泛渚期它日問俗充庖戒未仁  
酬我質劑當倍稱學書還復慰清真

次韻謝陳守伯固

投老登龍借齒牙可能病驥待揮搗清篇久矣窺脩月  
絃論琅然聽粲花小却御屏書姓字行當宣室拜亨嘉  
恩章袞袞從天下濃墨疎行砌亂鷗

贈傅商卿

商卿以子憂患冒雨相訪詩謝之

殘年多病更銜哀今日衰懷得好開聞道場功因雨止  
徑緣老子犯寒來下簾小熾萁爐火煨芋聊持藥玉杯  
翻憶黃公酒壚夜畧無憂患燒靈臺

夜宿商卿家

復用搗字韻

萑蒲無警南塘靜歎歲村區鼓罷槌更喜良宵共譚塵

江漢長翁文集卷之十六  
三  
幾煩親手剪燈花酌無多酒仍餘味嬾不吟詩政自嘉  
蝶夢蘧蘧纔一霎鄰鷄啼罷又啼鷓

述懷有作

青奴白牯共幽情鷺隻漚雙自舊盟家視子平如已死  
世嗤張翰不求名馬牛見命從浮俗螟蠃觀傍得此生  
千載淵明吾易地心期端有不容聲

贈實老

神居禪翁訪予于華村  
用舊遊壁間詩韻贈之

幾時風色不飛沙再遣齋魚爲客榻塵裏槐安空夢境  
眼中優鉢忽天花玄譚正用蠲憂患白飯胡寧當旨嘉

南去路貧同一笑不憂攫肉有飛鷓

時予不  
將行李

次韻答龔澤卿

君如綠耳抹流沙蹶蹶追風不待撾綬茸曾童楚山竹  
燕遊行插曲江花久煩鳳詔搜奇逸定復龍光壘寵嘉  
叱咤卽今凌筆陣坐令楚幕集歸鷓

晚飯商卿家

用土  
山韻

我似長松久臥沙迄今諫鼓夢猶撾倚消愁斛人如玉  
欲近書籤眼有花投老無庸尚強聒過君每肯具柔嘉  
婪酣得飽行摩腹不省飢號有莫鷓

次韻答楊宰

民情可但絕愁嗟  
吏畏誰何等受撻  
教諭久知風偃草  
山行聊賦雪飛花  
牛刀試用終稱屈  
鳳詔緘春定拜嘉  
穩上要津吾拭目  
角犀冰峙鬢如鴟

次韻楊宰宿北阿

寒事崢嶸念解攜  
芳樽憶共拆紅泥  
郵筒空有詩相續  
夫子東歸我復西  
刺刺掀林朔風駛  
沈沈閣雪晚雲低  
巴歌擬報陽春贈  
未敢從人索品題

次韻楊宰

令君輿馬俱倦有詩予亦寂居荒僻因次韻

君方總轡冒塵沙  
我亦青燈未著花  
縣宰憂民暇黔突  
道人有飯卽爲家  
倦温村釀其火暗  
笑撚吟髭風帽斜  
等有霸陵橋上興  
不妨頻着小詩誇

次韻楊宰

姚法曹可人也官滿去民惜之君與予尤惜之然池蛟籠鵠君與姚豈宜久淹

者困次宰君詩韻

我方懶髓療蜂腰  
渠自材華蓋代豪  
州掾聊容養文豹  
玉音催去踏金鼇  
聯芳君亦花封最  
雙峙人推玉笋高  
看卽提衡霄漢上  
得無交口話啼號

次韻楊宰遊神居

江漢長流一鷲鷲山腰涵碧老蛟蟠  
鵬翻海十洲近  
江漢分流三楚寬  
曾是乘閑上埃靄  
小畱舒嘯倚高寒  
想君緩憩雙鳧鳥  
不羨冲霄吳綵鸞

次韻楊宰二首

早緣官事坐兒癡  
晚悟騷人賦  
汨泥耐病久  
閑金驥裊  
扶衰時近玉東西  
詞場尚友心終在  
詩力逢君價自低  
欲試成風須妙質  
莫懷章甫問雕題

五斗寧辭小折腰  
簿書那久困才豪  
得無狸豹驚雕虎  
妙有鉤絲掣巨鼇  
詩就鼎來宮錦賜  
閑中眼與楚雲高  
橫陳景物無央數  
付子秋崖萬竅號

次韻楊宰野步

眼邊室邇歎人遐  
再見驚飈袞雪花  
歲歉民勞真諉子  
泥行草宿又誰家  
題詩山寺神應助  
問俗村區日易斜  
隨處棠陰誦遺愛  
他年賸著翠珉誇

再次楊宰遊土山韻

述房陵昔遊

志公巖頂雲縈繞  
羅漢洞前山鬱盤  
鯨禹鑄鑱那用許  
乾坤包納若爲寬  
我行六月猶春服  
誰遣千巖起暮寒  
思與山花古仙伯  
往還遊戲轡青鸞

三朶花仙人也隱于房陵市井郡盡

像敬之且像于志公巖東坡有詩畫圖欲識先生面試問房陵好事家

次韻張守塗中生日

予生日皆客中凡四年感漂泊

諸雛稱壽紀桑蓬此會頻年客路逢  
撫事祇令傷急景持盃隨分發衰容  
心緣羈旅長多遛情爲思親政復鍾  
更惜齊眉舊蘭友今春觴詠斷相從

次韻張守妻閔忌

予亦有悼亡之戚

萊妻魂逝不容招敢問何方處  
寂寥老去更堪聽薤露病來久不近  
金蕉聲搖夜夢蛩相弔垢翳箒衣雨  
輒潮細讀君詩重悽惋隱侯膚骨不勝銷

次韻張守晚起

客亭移枕待殘更起趁鄰鷄第二聲  
了了每添新悟解營營無復舊心情  
興來命酒禁詩瘦老去衰容怯鏡明  
况是杏花濃露曉不應蒙被問春晴

正月十六夜大雪次張守諸公韻二首

陽闔陰開意莫窮東君銜巧似良工  
紅蓮熄燄人收市丹杏開時雪滾風  
韻語真宜詠飛絮短歌當有頌元豐  
一番壯觀俄漂忽已落詩人卷軸中

詩款鈴齋到卽通細工時肯博麗工  
政聲已獨當時步



人士飮觀前輩風未分清新命開府可能簡遠盡安豐  
譚間和氣熏人醉不覺栖栖客路中

次韻王簽判二首

客中誰者伴閑身祇有蒼槐與翠筠回首昔遊驚夢斷  
故人重見倍情親簿書簡省官居好月露清圓句語新  
千里想思匪天意聚頭一笑此何因

五鬼侵陵兩鬢蒼振窮掃白分無妨酒徒叢裏投名嬾  
詩杜中間趁課忙塵暗鳳笙空自歎風驚鴈字不能行  
向君草草追強韻政復通人笑楚狂予重見有兒服

贈吳子隆

小飲頰江樓分韻子隆得遲字借其韻贈之

詩到吳侯信崛奇汗顏飛動可容追小揮夢裏五色筆  
吟作人間黃絹辭滿耳龍鸞嘯空曠驚人雨雹散雷槌  
相如氣壓鄒枚倒未覺樽前運思遲

次韻張德恭主簿二首

一日乘閑燕畫樓連宵飛夢只樓頭掾郎談塵驚飛雹  
公子吟毫漲怒流歸去定誰扶下馬重來有約屬馴鷗  
可堪風雨妨人樂却向盧家訪莫愁彭尉侍兒慧甚

漢南獨步有登樓肯爲衰翁吟掉頭價比連城容品裁

江湖長集卷之十六  
句專八米見風流生涯枯澤鳴飢鶴老去驚波蕩白鷗  
當念飯山人似削撩人更遣耐新愁

次韻張守勸農二首

傳聞載酒西郊曉迎候前旌擁老農賢守承宣先勸課  
太平風俗見聲容官堤煙樹紆紅纈沙岸風蒲裹紫茸  
想憩凝香倒囊錦銀鉤側理豐千重  
競遙行軒親色笑教條初不作風霜爲公醉德仍醇酎  
惠我溫言亦報章重見桐鄉敬朱邑不須畏疊詫賡黍  
受屢定許休吾老已戒諸雛計裹糧

次韻張守泛春亭

小退鈴齊復此亭自公喜色更津津再紆皇眷分憂寄  
坐鎮江城與物春長日雍容少公事共誰談笑作詩人  
撚髭慣厠分題客元亮柴車已命巾

遊乾明分韻得山字

一從雋軌得追攀日日江臯倒載還貪向諸公論友義  
未容老子憶家山酒邊鯨吸仍疇昔筆底羊腸出險艱  
莫便樽前話分袂此心不與石俱頑

寄真州詩社諸友

疇昔離亭酒一鍾酒盃不比別愁濃羨君聯璧方保社  
付我耦耕親老農握手陳雷便膠漆幾時韓孟果雲龍  
自今筆硯還高閣可是詩情病後慵

真州諸公語別

分韻得  
杯字

嬌紅爛紫正銜枚不待王家羯鼓催佳客又衝新雨至  
羈人未許片帆回自今寒食嗟無幾奈許閑愁撥不開  
只擬分攜乘醉去爲君領畧十分盃

次韻趙夷仲

趙侯才望屹撐空肯我過從笑語同妙論全勝十年讀  
清篇分餉一襟風珺珙可用酬崑璞涎頰何曾夢錦蒙  
莫把詩聲陵此老遲君謁帝畫平戎

再次韻

坐聽嚴更一再通卓肩搜句夜蟲同拜嘉傑作開囊錦  
似爲衰翁料首風素問以頭  
風爲首風紫誥君宜步西掖蒼顏我  
欲隱東蒙鞅縻文陳甘三舍百勝將軍正總戎

再次趙侯韻

趙能文爲古選詩  
三見屬次韻贊歎

理窟疎明面面通如君襟抱古賢同孤標碧落行霜月  
勝韻芳林度蕙風妙語寧惟壓元白大封端合啓龜蒙

江漢長翁文集卷之十六  
規恢佇看收功去自勒豐碑紀殪戎

送臧汝舟楚州秋試

美殺君家有兩方阿戎材幹更昂藏久知筆力能扛鼎  
此去賢書定探囊鄰近玉淵嘗借潤眼中珠樹看爭芳  
舊陪衆俊工飛動老氣因君尚激昂

重九山陽儀真兩史君送酒

酒會文期興尚濃佳辰一笑坐天窮兩州各遣六從事  
九日俄成一病翁詩不受催空急雨帽無緣落任西風  
明朝晴徑通行屐却漫杖筇遶菊叢

次梔子花韻

予家有數本亦可愛

居士窻前簷蔔花清香不斷逗窻紗傷和錯詆風霜實  
照夜偏怜玉雪葩瓊樹未應矜潔白金神端爲發英華  
世間俗眼便紅紫試遣詩翁較等差

次喜雨韻

被旱農家怨伏龍衰翁歲望甚於農人方半菽延朝夕  
我亦頻年闕釜鍾洒潤似驚其火冷驟寒不貸布衾重  
有來喜雨清新句一笑令人失病容

次韻李壽卿明府憶梅

不分無花空折枝探梅要趁未紛披憶常月地攜筇去  
似許風裳倚竹時莊蝶認香憐夢短墨君寫影竟誰欺  
故人底事江南北驛使來時僅好詩

再次韻

烟若橫陳耐凍枝清篇細讀更重披卽令扶病揩塵視  
痛憶尋芳載酒時政使雪霏來眼底却愁霜鬢被花欺  
暗香疎影君能事何處羈人敢語詩

次崔帥韻

崔叢碧置酒話別有  
詩見贈卽席次韻

虎塞風雲自壯懷詩壇尤見不凡才至音忽作鏘金發  
急筆寧須擊鉢催屬餜重嘗項上臠拜嘉如嗅龍頭梅  
還家定遣比鄰怪珠璧光芒重載回

崔侯燕城西高家亭復次韻

昔人勝踐此興懷復見西園遊上才譚塵生風容滿聽  
酒觴插羽未須催小令纖指鳴飛電却遣紅檀趁落梅  
更約歸來醉叢碧將軍端豈與闌回

鄧倅有詩次韻

袖手從公辟不懷天心月脇有餘才將壇賈勇知無敵  
冊府新除定見催楚國誰今衙屈宋歐門我亦後蘇梅

江湖長集卷之十六  
錦囊得句無虛日盡卷淮山勝槩回

次韻寄汪教授二首

友賢端許寫中懷千丈孤標十倍才黃絹舊知儒業富  
黑頭寧受歲華催筆囊小却司盤詰鼎寶終期薦傅梅  
指日元侯鬢龍袞未容文學久低回  
客路何人起病懷論交今得謫仙才每當玉麈玄譚勝  
不問銅壺漏箭催魯泮舊常烹瓠葉廣平聊復賦江梅  
揆予儻可陪英軌莫向詩筒靳往回

客路寄崔帥

笑語生春尉老懷鄒枚端復顧凡才酒邊徐罷長鯨吸  
夢裏還驚去鷁催野渡水渾妨轉拖霜林寒淺未逢梅  
神馳縹緲凝香地却惜無人爲挽回

再次韻

旣歸梅開甚嫵崔帥贈酒更佳且  
二丈皆有送行詩次前韻寄之

解橐臨風得好懷祇令公等費詩才行裝併喜鴟夷滿  
春意如煩羯鼓催飯白重供飛雪鱸眼青還對照溪梅  
滯畱不惡歸仍好笑殺山陰興盡回

次韻陳學正

道居鄉  
之適

區中塵外自由身囊不留錢最入神使約春秋同保社



不妨天地著陳人園翁溪友曾無間野菼山肴繼薦新  
却歎聲名雪堂老莫年嶺海夢峨岷

自審江湖槁項翁浪將張邴並高風就閑耕釣真無說  
投合侯王况不工策足不應諸俊後如君寧復老夫同  
亟須秉燭歡遊地行遙英雄入彀中

次韻趙帥賞古梅

予後不及  
賞故云

把酒花前量自寬花同人意愜輕寒盈盈似駕翠虬起  
特特爲邀青眼看紙貴共誇詩律細客來旋報粉香殘  
若爲白璧青錢費可問東君博此歡

次韻劉常甫見贈二首

重來觸目總宜詩頗費行吟與坐思舊友相過有嘉惠  
新篇更喜勝前時連朝把玩驚飛動萬象低摧受控持  
塵翳玉笙嗟耳冷何人度曲顫鸞篦

筆陣平時枉計功鈍鎚那辨突鈿鋒霸橋雪裏嗟良苦  
飯顆山頭記昔逢斷句自知窮有相從人財博繆爲恭  
彭郎小隱劉郎宅抖擻塵襟聽所從

次韻張守勸耕二首

吾徒一笑似關天離合胡寧付偶然夢境萍蓬渺雲水

江州長安集卷之十六  
舊遊花柳更風煙交情繾綣今猶昔妙句傳抄喜欲顛  
廷尉歸須結驪客爲公飽飯計畱年

三揖清揚歲兩更煩公倒屣費逢迎抽簪仕籍心彌厲  
撰屨詞壇計欲成西洛况聞高紙價蘇州從昔擅詩聲  
拙衰枉作登龍客領畧玄譚自阿平

史君子主簿  
公作詩甚進

題彭傳師無喧境壁

塵外軒窗寓嘯吟勝遊重到更情深湖山覲面渾相識  
蜂蝶窺簾似見尋客路每歌歸緩緩歲華亦歎去駸駸  
摩抄竹樹論今昔親見栽時已欲林

次韻高賓王見投四首

殘年病眼苦眵昏盡屏甘腴誓綠樽龍樹難逢刮膜手  
孟公顧有獨醒孫頗煩十吏供揮掃無奈諸峯役夢魂  
友義惟公記衰疾新編肯到雀羅門

病念還家可奈愁客中日月急梭投土花暈壁迎梅雨  
海燕將雛送麥秋霑袖正憐珠隕曉關門能復玉爲舟  
搯頭閣膝高春臥黃妳青奴共此樓

簷花如霧濕黃昏猶夢君前白獸樽但有紅塵染衣袂  
更堪碧草思王孫逃威正坐齊竽謬欲舞難招楚客魂

回首仙曹雲雨上誰云九虎踞天門

知君斷句爲祛愁得句須防有暗投我病床頭但周易  
人誰皮裹著陽秋騎驢久袖推門手載酒慵移捉月舟  
祇命君詩作三益伴翁聽雨臥徐樓

次韻贈高賓王二首

瓦注緣窮也自昏掃除膠擾近清樽瘦田可穀宜投劾  
小子今年亦抱孫慣病已拚疎藥物就閑聊免愴吟魂  
徑當雲臥山南北芋火醅缸晝掩門

滯畱無地豁閑愁詩將壇高許客投過我肯論新舊雨  
卽君如望菘穠秋幾時霧縠奉蛟室快意湍濤放鷁舟  
搯抉腎腸須小息請攜霜竹上危樓

再次韻贈高賓王二首

塵外高人謝宦昏生全天爵躋衢樽逸民佳傳須銀筆  
常侍流風見耳孫人洛真能折僖父浮湘更欲弔英魂  
男兒有志輕萬里辟世何如金馬門  
虞卿與世得窮愁柄鑿方圓豈易投政復有文衙屈宋  
須防罪我坐春秋千株已種柴桑菊萬斛空橫野渡舟  
可惜玉堂揮翰手獨緣羈旅賦登樓

再次韻自註簡賓王二首

魚辟清澄鳥愛昏陶翁歸計酒盈樽  
山田雨足鳩呼婦籬援春深竹有孫  
百首旋編新賦詠三生猶憶舊精魂  
小摩他日紅塵眼閑送蜚雲過海門  
庾郎曾次枉堆愁馮衍才名迄不投  
歸去來今歲華晚未如何矣鬢毛秋  
令威心事千年鶴張翰生涯一葉舟  
回首月堂金谷夢却憐海蜃結飛樓

次韻方秘正

方未相識有詩和韻聊致謝云

靜女無媒未易昏幽人樂地但琴樽  
詩聲况自推侯喜墻仞懸知陋叔孫  
拜手行申不敏謝慕賢正黯索居魂  
拘拘泄柳非君匹老子來時肯閉門  
下窻危坐正凝愁詩客萃編肯見投  
明月拜嘉千斛賜清風分送一襟秋  
路迷端倚司南駕金換還隨過海舟  
誇與湖山須快讀湧金門外倚曾樓

次韻答高賓王

向來騎鳳下天津冠屨因循混世塵  
行處西湖作西子靜中佳茗是佳人  
秋風暗凝金莖露香霧潛浮海樹春  
喚萼綠華書玉葉人間新筆有通神

江湖長卷文集卷之十一  
一七  
陂量如君信有容諾金到我豈宜蒙蛾眉自古偕三惑  
虎旅何心待九攻雨室聊辭秉燭女石腸莫笑叩舷翁  
吾徒嫵媚青編在檠茹冰樓定雋功

次韻林子長一首

使華不袖生春手絳老泥塗亦使年病後隱淪甘甫里  
向來魂夢頗祁連受屢已徬鄉三老對客還矜我二天  
處士一星君漫記會揚光彩映台躔

次韻楊帥畱客賞雪二首

錫美端知自杳冥更資和氣與烘成歷觀攪海翻雲勢  
旋聽摧簷瀉竹聲狎坐鴛鴦方薦笑窺簷鳥鵲已烹晴  
從公草賦梁園罷未羨將軍下蔡城

園林花絮忽冥冥水墨工夫憶李成瓊樹挽春爭炫晝  
玉龍轉野寂無聲綺羅樽俎諸賓醉簫鼓樓臺九陌晴  
不比遊仙向來夢真陪仙伯燕曾城

再次韻二首

雪神不袖嗟枯手嗣歲豐登預告成泚筆徑煩書上瑞  
載塗况已沸歡聲騎驢有客搜新句扶路何人趁晚晴  
一笑與渠分樂事的知瓊露勝宜城

瓊花露  
揚酒名



江湖長翁文集卷之十六  
吹花舞絮纔俄頃可待區區刻楮成催動江梅傲春意  
喜聽冰筋滴堦聲剡溪載酒人乘興縣圃明空月碾晴  
更想捧觴天一笑恩光旋浸鳳凰城

次韻趙帥四首

酒會頻頻詩課忙從公祗爾了星霜虛舟自昔安驚浪  
左角從渠赴敵場戀月每忘寒夜永寄梅渾訝驛書香  
吟邊更厭秋蛩苦滿聽青鸞嘯女床

北歸客子謾貪忙河欲生冰野覆霜他日鸛鵝常避敵  
卽今筭木又逢場思遲正坐相如渴文好知熏武仲香  
妙語鼎來吾拜手乳泉更用汲銀床

月姊多情闌綺窻停雲着意護飛霜艷桃穠李寬圍坐  
舞雪歌雲各擅場醉倒不堪酬勸數歸來贏得夢魂香  
明朝誰省扁舟客但載茶鐙與筆床

舟子喧呼解纜忙馳裘荅颯冷禁霜行分槁項新歧路  
心屬毛錐舊戰場談笑慣陪北海酒馥膏擬炷后山香  
詩筒儻肯生毛羽飛到幽人夢蝶床

用贈朴翁舊韻二詩送徐南卿南歸

兼簡湖上詩友

飛鵬尺鷁計窮通今古幽人一笑中等是勞生浮大塊



江漢長翁文集卷之十一  
誰能詭遇詫良工書堪引睡聊遮眼酒可祛愁勝作公  
此意平章有同社絕憐相望馬牛風  
莫將半菽羨千鍾生世誰非囿數中薦福議碑雷已震  
浩然選意句徒工我知寒餓憐顏闔人說乘除有誌公  
窮鬼趁渠來敗類秋禾一昔什霜風

次韻趙帥登平山堂

東皇未憖養花功遠近嬌紅亂老紅勝賞已容陪雋軌  
憑虛仍喜受雄風小酌蜀井寒冰齒旋俯波光碧蘸空  
更看詩翁落椽筆彈丸句法許誰同

平章景物我何功猶博賓筵醉頰紅歡甚銳戈思却日  
吟餘豪興欲凌風急觴泛灩春浮淥摻鼓喧轟鴈墮空  
白雪拜嘉仍袖手汗顏終恐坐雷同

脩月于今第一功後車九萬蜀牋紅詩供寒食鶯花課  
袖拂平山楊柳風匝坐蕙蘭歌似剪生香笑語酒如空  
胡床不減南樓興今古風流正自同

次韻鄭同年餞行

時癸亥七月

一官自食天水草羣雋追奔風馬牛儉幕胡寧效涓滴  
孔裝未擬借膏油交情顧我失一臂才地較君輸幾籌

江湖長集卷之十六  
三百十五  
更引功名挽衰朽天生江水不西流

挽章

隱操人將處士看寧知器業自槃槃襄陽耆舊今餘幾  
儒館先生定莫攀元亮歸來猶責子德公老去竟無官  
子孫忠孝聯三綬說似前人合厚顏  
少微前夕欲無光白首俄傳地下郎一代表冠郭太宅  
百年文物鄭公鄉松煙黯慘空黃壤芝檢紛綸漫紫囊  
人過新阡應下馬不論知識涕滂浪

太碩人臧氏挽章二首

德風千祀藹芳馨生享修齡歿更榮早歲衣冠賢德耀  
莫年門戶寄升卿迹陳莫嗣登堂拜匏繫空馳執紼情  
里巷萬人總布會一應如我淚河傾  
帝恩三流壽親筵更數何人福慶全紙眩鸞迴餘舊詔  
地占牛臥忽新阡陰功不倚長年藥補處仍開上品蓮  
欲紀衰榮付豐石諸儒當有筆如椽

江湖長翁文集卷之十六終

江浦長公集

卷之十六

二十一  
二百卅五



